


文章辨體

外集

集一之五



漢書門類			
三	七	三	七
一	二	六	七
一	一	三	七
冊	架	函	號

內閣文庫	
三	三
二	七
函	三
一	七
三	七
架	冊
號	類

內閣文庫	
番號	漢 3737
冊數	11 ( 11 )
函號	362 36

士統





文章辨體外集序題目錄

淺草文庫

海虞吳訥編述

第一卷

連珠

按晉傅玄曰連珠興於漢章帝之世班固賈逵

亦嘗受詔作之蔡邕張華又嘗廣焉攷之文選

止載陸士衡五十首而曰演連珠言演舊義以

廣之也大抵連珠之文穿貫事理始珠在貫其




辭麗其言約不直指事情必假物陳義以達其

旨有合古詩風興之美其體則四六對偶而有

韻自士衡後作者蓋鮮洪武初宋王二閣老有

作亦如士衡之數今各錄十餘篇真于外集之

首以爲嗜古君子之助且以著四六之所





始云

演連珠

陸士衡又宋徐鉉

又晏同叔

又宋公序

又劉貢父

又十四首洪武景瀛

又十七首王子充

判

按唐制凡選人入選其選之之法有四一曰身體貌豐偉二曰言言辭辨正三曰書楷法道美四曰判文理優長四事皆可取則先德行德均以才才均以勞得者為留不得者放蓋凡進士登第及諸科出身皆以此銓擇若陸宣公既登進士又以書判拔萃補渭南尉是也宋代選人試判三道若二道全通一道稍次而文翰俱優為上一道全通而二道稍次為中三道全次而

文翰紕繆為下其上者加階超資中者依資以叙下者殿一選如晦翁登第後銓試入中等始授同安主簿是已元世不用其制

國朝設科第二場有判語以律條為題其文亦用四六而以簡當為貴今錄以備一體云

安北副都護連帥與人奕棊聞寇至不輟唐鄭少微甲將死命其子以嬖妾為殉其子嫁之白樂天

丁去官受舊屬饋與宋余安道儀禮司失儀洪武宋訥

律賦

律賦起於六朝而盛於唐宋凡取士以之命題每篇限以八韻而成要在音律諧協對偶精切為工迨元氏場屋更用古賦繇是學者棄而弗習今錄一二以備其體云



明水賦 韓退之 長嘯却胡騎 范景仁 金在鎔 范希文

第二卷

律詩一

律詩始於唐而其盛亦莫過於唐考之唐初作者蓋鮮中唐以後若李太白韋應物猶尚古多律少至杜子美王摩詰則古律相半迨元和而降則近體盛而古作微矣大抵律詩拘於定體固弗若古體之高遠然對偶音律亦文辭之不可廢者故學之者當以子美為宗其命辭用事聯對聲律須取溫厚和平不失六義之正者為矜式若換句拗體麤豪險怪者斯皆律體之變非學者所先也楊仲弘云凡作唐律起處要平直承處要春容轉處要變化結處要淵永上下

要相聯首尾要相應最忌俗意俗字俗語俗韻用工二十年始有所得嗚呼其可易而視之哉

五言

杜少府之任蜀川 唐王 聖泉宴 駱賓王

文翁講堂 暉上人獨坐亭 春日登九華觀 陳伯玉

和韋承慶過義陽公主山池 杜必簡 早春遊望

遊少林寺 沈雲卿 新年 宋延清 與諸子登峴山 孟浩然

歲除有懷 晚泊尋陽望香爐峯 贈崔秋浦 李太白

送友人 登兗州城樓 春日懷李白

故武衛將軍挽詞 春望 哭長孫侍御

留別賈嚴二閣老兩院補闕得聞字 獨酌成詩

晚出左掖 春宿左省 端午日賜衣

初月 遊修覺寺 後遊



為農

寄楊五桂州譚

漫成

春夜喜雨

草堂即事

客亭

涪江泛舟送韋班歸京得山字

送元二適江左

嚴鄭公宅同詠竹得香字

吾宗

不離西閣

茅屋檢校收稻

人日

江漢

登岳陽樓

同崔員外秋宵宴直

送丘為下第歸江東

終南別業

南州有贈

贈杜二拾遺

送張子尉南海

送王錄事赴虢州

晚發五谿

泊楊子岸

送李給事歸徐州

送唐明府

詠山泉

次北固山下

山行

送韓司直

晚至華陰

題破山寺

酬劉員外

松江獨宿

仲夏江陰客舍

酬暢當

同梁錙文宴

喜外弟盧綸見宿

雲陽館與韓紳宿別

送別錢起

岳州逢司空曙

除夜宿石頭驛

別友人

早行寄朱山人

聞笛

醉後憶山中人

酬韓庶子

新秋寄樂天

北固晚眺

送可久歸越中

送人入蜀

孤山寺

鄆北李生舍

甘露寺

池上

旅遊傷春

寄友人

商山早行

長安春日

客中

南游有感

送鄭宥入蜀

途中別孫璐

春宮

孤鴈

韋處士山居

秋夜汎舟

春日卧病書懷

中秋月

春日登樓懷歸

江行

八月十四夜月

秋懷

廣愛寺朱瑤畫

閑居有感



巖桂 朱晦庵

九日

舟達黃溪 元姚端甫

泊舟湘岸 李材

送蘇子寧赴嶺北郎中 袁伯長

名酒 虞伯生

贈韶父處士 楊仲弘 南康夜泊聞廬阜鐘聲

次王御史韻 薩天錫

雨花臺 達德越士 桃源圖 傅與彌

曉出錢塘門 成廷圭

書懷 王元章 寄方壺道人 洪武磨

郡齋偶賦 王子充

將往衡湘留贈親友 魏杞 贈友 楊克明

題孫子讓山水 劉宗彌

題劉汝弼東源小隱 蘇平 登聚寶山 張孟兼

得鄉書 劉汝弼

雪夜宿院呈院長 高季迪 答高鷹飲後見寄

晚望 劉子高

江村雜興 楊孟載

第三卷

律詩二

七言

二陽石淙侍宴應制 唐宋 奉和春日幸望春宮 張道濟

登黃鶴樓 崔顥

登鳳凰臺 李太白 題東溪公幽居

秋興八 杜子美

詠懷古迹四 和賈至早朝大明宮

宣武殿退朝晚出左掖

紫宸殿退朝號 曲江二

巖中丞枉駕見過

贈田舍人澄 蜀相

九日宴監田崔氏莊

晉遣興寄兩院故人 臘日

陪李七司馬阜江上觀打竹橋

客至

狂夫

燕子來舟中作 寒食舟中作

江村

卜居 題省中壁

秋風

暮歸 柏學士茅屋

早朝大明宮 賈勳

和賈舍人早朝 王摩詰 酬郭給事

和賈舍人早朝 岑參

和玉員外雪後早朝 送李二少府貶峽 高適

送魏萬之京 李頎

寄司勳盧員外 替蘇詩作此寄上 郭受

早朝寄所知 皇甫常

同溫丹徒登萬歲樓 皇正 送李錄事歸襄陽



和扈從幸溫泉宮錢仲文

長安春望盧名言

元日早朝楊景山

題仙遊觀韓君平

朝下寄韓舍人耿津

別舍第宗一柳子厚

登柳州城樓寄漳汀封連四州

寒食內宴張文昌

酬嚴司空見寄武伯蒼

元日樓前觀仗薛陶

登洛陽城許用晦

金陵懷古

凌歊臺

送韋秀才

京口寄友人

晚至韋隱居郊園

四皓廟

錦瑟李義山

茂陵

馬嵬

等筆驛

隋宮

酬張芬見寄司空文明

過陳琳墓溫飛卿

和樂天見寄元微之

鄂州寓嚴澗宅

寄樂天

和趙相公登樓嚴光

咸陽懷古劉洽

長洲懷古

煬帝行宮

廢宅吳子華

龍泉寺絕頂方雄

江亭春霽李郢

江亭秋霽

寒食來鵬

病起

九日齊山登高杜牧

春日長安即事崔魯

送友人遊江南李益

尋郭道士不遇自天

長安秋夕趙承祐

春夕旅懷崔塗

早秋贈張侍御李益

夏夜宿表兄家賈遺

早朝前西望孟初

西塞懷古劉禹錫

春夜偶作宋冠平仲

梅花林君復

小園梅花

內直對月歐陽永叔

嵩溪驛王介甫

和御製上元觀燈王禹偁

郊行即事程明道

穎口初見淮山蘇子瞻

玉堂夜直

病後登快哉亭賀方回

夢山中故人朱晦庵

前村見梅

歌風臺元吳初清

和姚子敬秋興四趙子昂

玉堂讀卷虞伯生

送韓僉憲浙西

題文忠臣廟

答李本錄詩

題秋江釣月圖范德機

送太守之郡

宗陽宮題青楊仲弘

遣興 夢武昌

憶昨二首楊曼碩

元日和裴都事朝李季

過杭州鳳凰山陳剛中

粵王臺懷古薩天錫

上尊號日聽詔

宿崇二峽傅與礪

駕發

題丁文苑哀詞後寶晉



憶友人

題遠碧樓張仲舉舟發浙江泊廟山驛

梅花九首

駕幸鍾山應制唐同文康郎山應制夏元中

采石

春遊二首吳圭一金山寺劉宗弼

湖中翫月

祖母壽日楊孟載

排律

楊伯謙云唐初五言排律雖多然往往不純至中唐始盛若七言則作者絕少矣大抵排律若句鍊字鍛工巧易能唯抒情陳意全篇貫徹而不失倫次者為難故山谷嘗云老杜贈韋左丞詩前輩錄為壓卷蓋其布置最為得體如官府甲第廳堂房室各有定處不相淆亂也作者當以其言為法

五言

三月曲水宴唐王子安

西使兼孟學士南游盧照鄰靈隱寺駱賓王

同韋舍人早朝

春寄孟浩然李太白行次昭陵杜子美

贈韋左丞丈

重經昭陵 投贈哥舒開府翰

上韋左丞

寄李十二白 和禊飲應制王摩詰

送晁監歸日本

書院新移小竹王仲初和席八十二韻韓退之

和崔舍人詠夜

春雪間早梅 春雪

韶州裴長史寄道州呂八大使二十韻拾其餘韻

群玉殿賜宴

春雪用韓昌黎韻朱梅孝宗挽歌詩

鄭氏麟溪集

朝回即事虞伯生夏水洪武高季迪

奉題王會圖

七言

清明二首

送裴相公太原王仲初送邵陽丞元稹

送王知縣

洪武謝原



第四卷

絕句

楊伯謙曰五言絕句盛唐初變六朝子夜體六言則王摩詰始効顧陸作七言唐初尚少中唐漸盛又按詩法源流云絕句者截句也後兩句對者是截律詩前四句前兩句對者是截後四句皆對者是截中四句皆不對者是截前後各兩句故唐人稱絕句為律詩觀李漢編昌黎集凡絕句皆收入律詩內是也周伯弼又云絕句以第三句為主須以實事寓意則轉換有力涵蓄無盡由是觀之絕句之法可見矣

五言

夜送趙縱

唐楊炯

晉安建陰題壁

王子安

臨江

贈李十四

詵初月

登城樓

途中寒食

宋吳清

別杜審言

雜詩二

別輞川別業

王夏卿

長安道

儲光羲

春曉

古意

崔國輔

思秦川

岑參

絕句八首

武侯廟

八陣圖

對雪獻從兄

答友人

長信宮

送王司直

逢雪宿芙蓉山

劉文房

寄丘員外

韋應物

秋齋獨宿

贈司空曙

盧允言

秋夜

耿湣

江行無題

詵花與衛象同醉

司空文明

送人下第

李端

登樓

贈李唐山人

戴幼公

惜春

李君虞

夏日作

江雪

柳子厚

秋風

劉夢

江上漁者

遠山

歐陽永叔

夏日有懷

梅聖俞

遺老齋

和劉德明韻

張翥

春日

朱晦

春日

元劉夢吉



石鼎聯句圖

采薇圖 盧處道

題江州庾樓 賀復孫

病中 薩天錫

古意 傅與礪

烟波亭 洪武吳朝錫

題江岫圖 熊伯頴

江梅 牛士良

秋夜二絕句 吳友雲

初至南京登鳳凰臺 謝原功

聞鴈 楊孟載

嘆墻下草 高季迪

赴京道中逢鄉友

六言

田園樂五首 唐王摩詰

送鄭二之茅山 皇甫茂政

奉寄皇甫冉 張懿孫

尋張逸人山居 劉文房

歸山 顧通翁

題石牛洞 宋王介甫

獨坐 文與可

登山望海 張文潛

鉛山立春二 朱晦菴

題孤山放鶴圖 元趙子昂

題江山烟雨圖 虞伯生

題聶空山扇

楊氏山莊 洪武高季迪

陶秘書廣陵送別圖

七言

回鄉偶書 唐賀季真

聞王昌齡左遷龍標 李太白

絕句 杜子美

簡梓州幕府兼韋十郎官

江南逢李龜年

春夜洛城聞笛

寄段十六 王摩詰

九日憶山東兄弟

送李侍郎赴常州 賈幼隣

送李浦之京 王少伯

除夜 高適夫

逢入京使 岑參

春夢

題張山人壁 張正言

送魏十六還蘇州 皇甫茂政

楓橋夜泊 張懿孫

送裴郎中貶吉州 劉文房  
滁州西澗 韋應物

九日

村南逢病叟 盧允言

送齊山人 韓君平

歸鴈 錢仲文

聽鄰家吹笙 即君甫

江村即事 司空文明

湘南即事 戴幼公

對月答元明府

旅次寄張郎中 王茂

山中 顧逋翁

和鍊師索楊柳 楊景山

柳州二月偶題 柳子厚

夏晝偶作

伏翼西洞送人 陳羽

焚書坑 寶曹卿

訪隱者不遇 竇友封

宮中詞 王仲初

綺繡宮

秋思 張文昌

感春

烏衣巷



石頭城 聽舊宮人歌 登樂遊原之杜牧

漢江 赤壁 宮怨 江南春

送隱者 宮詞李義山 送元九君移越劉子夏

懷馮秀才 華清宮杜常 宿嘉陵驛

題鶴林寺李涉 過南鄰花園雍國 曲江春望唐彥謙

寄襄陽韋孝孫 秋思許用晦 南莊春晚

丹陽送韋參軍嚴正文 旅懷杜荀鶴 宿杭州虛白堂李郢

十日菊鄒守愚 寄維揚故人張喬 偶興羅隱

情景王大用 重贈商玲瓏兼寄樂天元微之

經汾陽舊宅趙承祐 老圃堂薛大拙 已亥歲曹松

三月晦日贈劉評事賈浪仙 春高蟾 繡嶺宮李才江

賈生劉言 泊舟蘇子美 書河上亭壁寂平仲

清明宋王之 樵者歐陽永叔 杏花王介甫

自作壽堂林君復 中秋月蘇子瞻 召試學士院

偶成程明道 武夷棹歌朱晦庵 銅雀瓦元劉夢吉

題宣州後堂壁張文潛 絕句三首趙子昂 吟人滕賓

日南感懷陳剛中 以扇致黃明府范德機 題鄭子真畫像楊仲弘

題陶淵明像鄧善之 御溝春日偶成馬伯庸 題琵琶亭龍觀復

送上黨長虞伯生 宮詞二首薩天錫 絕句秦兼善

題青山白雲圖黃晉卿 題淵明小像貢泰甫 題徽宗畫白頭翁成庭珪

南歸偶書余廷心 畫梅王元章 題枯枝寒禽洪武詹同文

春夜 過南湖戲折藕花吳子立 芙蓉野鴨圖顧利

南京別王道士危太樸 觀剝棗楊孟載 赴金陵始出閭門夜泊

題山居圖鄭叔魯 漫興張孟兼 過渭門亂石灘二鄒九思

聯句詩

辛酉外目



按聯句始著於陶靖節集而盛於退之東野其體有人作四句相合成篇若靖節集中所載是也又有人作一聯若子美與李尚書之芳及其甥宇文或聯句是也復有先出一句次者對之就出一句前人復對之相繼成章則昌黎東野城南之作是也其要在於對偶精切辭意均敵若出一手乃為相稱山谷嘗云退之與孟郊意氣相入故能雜然成篇後人少聯句者蓋由筆力難相追爾

聯句 晉陶淵明

送宇文石首赴縣 美城南 韓退之 孟東野

鬪鷄

風琴聯句 宋謝希梁梅聖俞

病柏 高季迪等

雜體詩

昔柳柳州讀退之毛穎傳有曰善戲謔者不為虐兮學者終日討說習復則罷憊而廢亂故有息焉游焉之說譬諸飲食既薦味之至者而奇異苦鹹酸辛之物雖螫吻裂鼻縮舌澀齒而成有篤好之者獨文異乎予於是知雜體之詩類是也然其為體厥各不同今總謂之雜者以其終非詩體之正也博雅之士其亦有所不費焉

三五七言懷友 唐李太白

首尾吟 朱邵堯夫

集句戲贈湛源等 王介甫

星名二十八宿歌贈晁無咎 黃魯直

人名和蕭十六 孔平仲

郡名呈呂元均

藥名荆州即事 黃魯直

建除贈徐天隱

八音各黃魯直 晁無咎

藥名離合四 孔平仲

回紋泊鴈 王介甫

五雜組四 孔平仲

了語不了語 蘇子美

難易言

一字至十字諫竹 文與可

讀十二辰詩掇其餘作 朱晦庵



四禽言 梅聖俞

又 蘇子瞻

五禽言 和王仲衡

四禽言 元稹

第五卷

近代詞曲

按歌曲源流云自古音樂廢後鄭衛夷狄之聲雜然並出至唐開元天寶中薰然成俗于時才士始依樂工按拍之聲被之以辭其句之長短各隨曲而度於是古昔聲依永之理愈失矣又按致堂胡先生曰近世歌曲以曲盡人情而得名故文章豪放之士鮮不寓意於此隨亦自掃其跡曰此諠浪游戲而已唐人為之者眾至柳岐卿乃掩衆製而盡其妙篤好者以為不可復加及眉山蘇氏出一洗綺羅香澤之態擺脫綢繆宛轉之度使人登高望遠舉首高歌而心懷浩氣起乎塵垢之表矣竊嘗因而思之凡

之有韻者皆可歌也第時有升降故言有雅調有古今爾昔在童穉時獲侍先生長者見其酒酣興發多依腔填詞以歌之歌畢顧謂幼穉者曰此宋代慢詞也當時大儒皆所不廢今間見草堂詩餘自元世套數諸曲盛行斯音日微矣迨予既長奔播南北鄉邑前輩零落殆盡所謂填詞慢調者今無復聞矣庸特輯唐宋以下辭意近於古雅者附諸外集之後竹枝柳枝亦不棄焉好古之士於此亦可以觀世變之不一云

菩薩蠻 唐李太白

錦纏道 春景宋宋子京

漁家傲 秋思范希文



浪淘沙 懷舊歐陽永叔

桂枝香 金陵懷古王介甫

水調歌頭 中秋蘇軾

南鄉子 九日

念奴嬌 赤壁懷古

蝶戀花 離別

滿庭芳 自嘆

水調歌頭 春竹黃山谷

瑞鶴仙 醉翁亭

西江月 勸酒

踏莎行 賞春

西江月 警世朱希真

孤鸞 早梅

青玉案 雪陳瑩中

滿江紅 隱逸呂居仁

蝶戀花 警世秦少游

玉燭新 梅周美成

點絳脣 汪彥章

念奴嬌 洞庭張子

蝶戀花 元日立春辛幼安

沁園春 退閑

水調歌頭 九日韓元咎

天仙子 水閣沈會宗

淩機仲水調歌頭 朱晦庵

用傅安道和朱希真梅詞韻

隱括杜牧之齊山詩作水調歌頭

沁園春題睢陽雙廟 宋文宋瑞

無俗念 元虞伯生

附錄

渭城曲 唐王摩詰

竹枝四 劉夢

楊柳四 白樂天

文章辨體卷之一

外集

海虞後學吳訥編集

連珠

演連珠

晉陸士衡

臣聞日薄星迴寧天所以寄物山盈川冲后土所以播氣五行  
 錯而致用四時違而成歲是以百官恪居以赴八音之離明君  
 執契以要克諧之會 臣聞祿放於寵非隆家之舉官私於  
 親非與邦之選是以三卿世及東國多衰弊之政五侯並軌西  
 京有陵夷之運 臣聞鑿之積也無厚而照有重淵之深目  
 之察也有畔而眦周天壤之際何則應事以精不以形造物以  
 神不以器是以萬邦凱樂非悅鍾鼓之娛天下歸仁非感玉帛  
 之曹 臣聞任重於力才盡則困用廣其器應博則凶是以  
 物勝權而衡殆形過鏡則照窮故明主程才以效業貞臣底力



而辭豐 臣聞髦俊之才世所希乏丘園之秀因時則揚是

以大人基命不擢才於后土明主聿興不降佐於昊蒼 臣

聞世之所遺未為非寶主之所珍不必適治是以俊乂之數希

蒙翹車之招金碧之巖必厚鳳舉之使 臣聞應物有方居

難則易藏器在身所乏者時是以克堂之芳非幽蘭所難繞梁

之音實繁絃所思 臣聞利眼臨雲不能垂照朗璞蒙垢不

能吐輝是以明哲之君時有蔽壅之累俊乂之臣屢抱後時之

悲 臣聞郁烈之芳出於委灰繁會之音生於絕絃是以貞

女要名於沒世烈士赴節於當年 臣聞因雲灑潤則芬澤

易流乘風載響則音徹自遠是以德教俟物而濟榮名緣時而

顯 臣聞鑽燧吐火以續場谷之晷揮翮生風而繼飛廉之

功是以物有微而毗著事有瑣而助洪 臣聞絕節高唱非

凡耳所悲肆義芳訊非庸聽所善是以南荆有寡和之歌東野

有不釋之辯 臣聞動循定檢天有可察應無常節身或難

照是以望景揆日盈數可期撫臆論心有時而謬 臣聞絃

有常音故曲終則改鏡無畜影故觸形則照是以虛已應物必

究于變之容挾情適事不觀萬殊之妙 臣聞衝波安流則

龍舟不能以漂震風洞發則夏屋有時而傾何則牽乎動則靜

凝係乎靜則動貞是以淫風大行貞女蒙冶容之悔淳化殷流

盜跖挾魯史之情 臣聞適物之技俯仰異用應事之器通

竅異任是以鳥栖雲而繳飛魚藏淵而網沈賁鼓密而含響明

笛踈而吐音 臣聞情見於物雖遠猶踈神藏於形雖近則

密是以儀天步晷而脩短可量臨淵揆水而淺深難察

又 宋徐鉉

道不可以權行終則道喪情不可以苟合久則情踈是以兵諫

愛君君安而忠敬已失同舟濟險險夷而取捨自殊



又

時平德合秉均者績隱於幾先運極道消享位者譽隆於事外是以房杜之恩勤莫二無迹可尋郭裴之退出居多其名益大

晏殊

又

宋公序

山有梗梓之材居山者芟草而舍田有禾稷之實力田者半菽而飽廡有驥騾之乘掌廡者靡股而步此所謂役於物者智不逮乎物也無木者有花樣之蔭無田者有嘉穀之享無廡者有上駟之御此所謂役物者智包乎物也故君子逸於用德小人勞於用力

又

劉貢父

蓋聞詭道取勝得以暫用懷惡致討未有能克是故以桀詐桀可容於微幸用燕伐燕不足以相服

又

洪武才景濂

蓋聞忠臣徇國不惜其軀命烈士愛君竟忘其首領是以左轂之鳴車右伏劔越甲之至雍門刎頸蓋聞鷹鷂巢林鳥雀為之不棲松栢在岡蒿艾為之不植是以君子居鄉儉士革面正士立朝奸雄歛迹蓋聞志於貞節者浮名不足以累其真志於恬泊者好爵不可以亂其性是以子陵樂富春之耕干木辭於陵之聘蓋聞天矩有定人謀莫移或順之而從吉或反之而致危是以鶴頸固長截之則恐鳧脛雖短續之則悲蓋聞事貴審機行當寡尤大易慎辨早之誠春秋嚴謹始之謀微必訓於顯極鴻每事於纖求是以蟹蠶一出潛魚盡怖霜鍾初動巢鳥咸憂蓋聞體微而勁者或足以交戕形龐而武者或失於見制小大每出於相刑剛弱乃拘於所畏是以豺舌雖狹而有殺虎之能鼠牙雖尖而有害象之技蓋聞外味不加則形氣日削內養有道則神明自腴苟譬諸物若契以符



是以脾析一停摩牛即什中夷既涸鱗刀成枯 蓋聞賞物

在精取財有道毫髮異觀天淵殊造是以嶧陽之桐惟伯牙能

知其良烏號之弓必由基方領其妙苟徒妄鬻而暗投曷若藏

音而收耀 蓋聞青霞白鳳之文奚關治化黃馬碧雞之辨

頗類俳優哀彌文之喪質致末俗之効尤是以六藝之科法莫

嚴於炎漢三緘其言銘式播於成周 蓋聞負道推公者欲

舉善以同人挾智自私者恒患賢之壓已以其量之隘弘驗其

人之臧否是以五弓之陵莫齊泰華之岡一蹄之涪難媿滄溟

之水 蓋聞九聖有作懸中天之兩曜七經垂訓燭萬古之

重冥移摘埴以索塗咸履樂而蹈繩是以采章文物因茲而昭

煥禮義廉耻藉是以脩明 蓋聞正色在廷固資於謇諤婉

容而諫尤貴於優柔盛怒無逆鱗之批易志有解頤之休是以

叔向善辭故不殺搏鷄之豎晏嬰能諷故卒出斬竹之囚

蓋聞善行興邦嘉言作則法緣之以革姦人依之而建德是以

聞一言之當如得萬人之兵獲一士之賢如得千乘之國

蓋聞至道玄妙非器象可局靈化潛融非軌轍可制若魚兔之

已得則筌蹄之可離是以叶三才而貫十端宰一心而統萬彙

又 王子充

臣聞圓穹垂象列宿昭符北辰天樞至尊而不動中宮天極泰

乙之常居是以人君居正所以建皇極王者宅中所以恢帝圖

臣聞人之於物最為含靈聖之於人尤稱拔萃是以陰陽至妙

而聖人之能運陰陽天地至大而聖人之能位天地道有隆汗

惟聖人易汗而為隆世有治亂惟聖人反亂而為治 臣聞

聖不自聖學焉是資說命肇遜敏之告周頌載緝熙之辭是以

廣廈細氈引文儒而共講左圖右史舍古訓其奚師 臣聞

製器者兢兢業業用訖于有成奉器者洞洞屬屬乃保其無虞



是以天下大器不易于圖祖宗經營百年而不足子孫盡壞一日而有餘 臣聞臣有盡言必因君之善聽君將致理必賴臣之忠告蓋下之於上所要則微上之於下所求宜篤是以堯問衢室及陋之謀是咨舜訪總章芻蕘之語俱錄大禹一饋而十起周公一沐而三握 臣聞以寡就衆察有不偏以廣就約知無不真何則一人以二目視一國一國以萬目視一人是以居人上者雖獨必慎御群下者無微不親 臣聞赤子無它欲而必遂其所有欲赤子有不言而必會其所無言是以聖人之宰萬民務在通其志聖人之制萬物貴乎全其天 臣聞上天至公四序以成秋霜肅殺而木不怨落春風長養而草不謝榮是以聖王御世使民不矜涵之以德義不知其為惠鱗之以法律不知其為刑 臣聞事以順為便物以適為安為須賜者非負之而升木為魚德者非挈之而入淵是以夏蠲冬

繇民不以為怨春貸秋賦民常以為恩 臣聞網以綱為總眼以領為尊綱舉而目自張領振而裔乃循是以道者政之領聖人修道不修政吏者民之綱聖人治吏不治民 臣聞調弓者必弛張其絃鼓瑟者必推移其柱是以因時制宜將以通於俗觀變立法不徒泥於古三王殊事名施於後世五帝異道德覆於天下 臣聞竹律九寸可以推七十二候之氣運玉衡八尺可以驗九千萬里之天行是以人君致治之具甚約天下歸化之效孔宏何則十世百世之理萬人千人之情一人之情 臣聞以色物毛澤買馬而不論其足力則斲無絕地以大小徑廣售玉而不論其質美則篋無連城是以以德求士致士之實效以才取士得士之虛名 臣聞尺有所短寸有所長攻其短則天下無全才錄其長則人才皆大方是以蕭曹斗筭英布刑墨其質本可都將相伯夷蹈義楊朱履善



其能不足位公卿 臣聞易重咸恒詩首關睢陰教者天倫之模範內治者王化之權輿是以周家致理大妣之德既盛漢室構亂呂氏之行元汙 臣聞君子無幸而有不幸小人有幸而無不幸是以福善禍淫者天道之常好善疾惡者民彝之秉 臣聞見禮而知政聞樂而知德是以觀世運之隆汙視文章為準則和平渾厚質實瓌贍治道之方昌夸浮纖靡詭恠支離察政理之斯數

判

安北副都護連帥愛與人奕棊聞寇至不輟御史以逗撓糾察

唐鄭少微

連帥職當邊徼任切爪牙不留意於軍容迺忘情於奴戲雖費禱不輟未可因循而陶侃既捐何勞健羨一枰之上靡聞懷陣之心百戰之前不見臨戎之節御史乘驄按罪執簡彈違白以群克實由連帥此而可捨法安用哉寘以逗撓雅符彞憲

甲將死命其子以嬖妾為殉其子嫁之或非其違父之命子云不敢陷父於惡

白樂天

觀行慰心則稟父命辨惑執禮宜全子道甲立身失正沒齒歸亂命子以邪生不戒之在色愛妾為殉死而有害於人違則棄言順為陷惡三年之道雖奉先而無改一言以失難致親於不義誠宜嫁是豈可順非況孝在慎終有同魏顆理命事殊改正未傷莊子難能宜忘在耳之言庶見因心之孝

丁去官而受舊屬饋與或告其違法訴云家口已離

宋金安道

食檠養廉執心斯可及瓜受代改操則非安得因其去官遂不思於潔已丁也才高有位秩滿將遷飛鳳啣書亦既榮於寵命解龜罷政遂靡讓於好羞謂行邁之有期會厭私而不懼況古



之循吏名列青編掛府丞之魚誠在涖官之日留壽春之犢實  
惟去任之宸何乃肆貪罔知守節歌鄧侯之五鼓曾是遵途持  
山陰之一錢當思勵俗徒欣苟得豈曰能謀重耳受殮蓋當於  
旅食叔向反錦益愧於公行如云不爾瑕疵則恐罔知紀極推  
恩布化未聞畫象之遺風黷貨啓姦遽恣貪狼之本性縱離境  
壤終喪廉隅減三等以定刑乃九章之垂統

儀禮司失儀

洪武宋訥

正朝廷莫嚴於禮法辨上下莫謹於威儀必先敬身方可率衆  
本司官其職當典禮自行失儀既不能律一已之乖違將何以  
肅百僚之視聽犯在所司宜如常律

律賦

省試明水賦

玄化無宰  
至精感通

唐韓退之

古者聖人之制祭祀也必主忠信崇吉蠲不貴其豐乃或薦之  
以水不可以黷斯用致之於天其事信美其義惟玄月實水精  
故求其本也明爲君德因取以名焉於是命烜氏候清夜或將  
祀圓丘於玄冬或將祭方澤於朱夏持鑑而精氣旁射照月而  
陰靈潛下視而不見謂合道於希夷挹之則盈方同功於造化  
應於有生於無形象未分徒騁離婁之目光華暗至如還合浦  
之珠既齊芳於酒醴詎比賤於潢汙明德惟馨玄功不宰予以  
表誠潔予以戒荒怠苟失其道殺牛之祭何爲如得其宜明水  
之薦斯在不引而自致不行而善至難辭翹葉之名實處樽罍  
之器降於圓魄殊匪金莖之露出自方諸乍似鮫人之淚將以  
贊于陰德非獨雅于陽燧夜寂天清煙消氣明桂華吐耀玉兔  
騰精聊設鑑以取水伊不注而能盈霏然垂象的爾而呈始莫  
漠而霜積漸微微而浪生豈不以德協于坎同類則感形藏在  
空氣應則通鶴鳴在陰之理不謬虎嘯于谷之義可崇足以驗



聖賢之無寧知天地之至公切比大羹之遺味幸希薦於廟中

長嘯却胡胡騎賦

清肅關外胡騎潛去

宋范景仁

制動者以靜善勝者不爭伊劉氏之長嘯却胡人之亂兵初歷歷以傳聞合圍風靡遂稍稍而引退一境塵清當其分晉室之憂勤守并門之衝要邊寇衆至虜戰數挑勝不可以近决敵不可以前料凌雲拔幟誰爲趙壁之謀沂月登樓獨引蘇門之嘯出自予口期於衆聞微角更變宮商互分儼神意以不動服戎心而若醺終夜長吟故異鷄鳴之客遠人咸聽遂收烏合之群是知安可破危利能圖害攻而至吾不爲之戚服而去吾不爲之泰亦猶雅歌之樂坐鎮軍中不假射聲之威橫行塞外豈不以嘯本予發抑揚而自娛其雖爾衆顧視而如無既傾聽以知漢乃散逃而人胡若楚軍夜遁之時聞歌於四面殊漢將道窮之日振臂而一呼宜夫深謀者爲衆歸尚力者必自贖此以安

而得儻彼以彊而失利因惟口之出好去滿目之異類遂使本朝雙闕時有內面之人廣漠一隅不逢南牧之騎大哉人籟斯發邊兵遂潛蓋得先聲之術曾無黷武之嫌談笑而却秦軍理宜共底偃息而藩魏室功亦難兼是何據一郡之尊憑百姓之助勢至小也以德而大嘯甚微也因誠以著使被髮之醜類咸審音而遠去夫如是則有天下之君曷爲西北之慮

金在鎔賦

金在良冶求鑄成器

范希文

天生至寶時貴良金在鎔之姿可觀從革之用將臨耀耀騰精之由彼以披沙見尋藏山是務一則求之而未顯一則棄之而弗顧曷若動而愈出既踴躍以求伸用之則行必周流而可鑄美夫五行之粹三品之英昔麗水而隱晦今躍冶而光亨流形而不縮不盈出乎其類尚象而無小無大動則有成士有鍛鍊誠明範圍仁義俟明君之大用感良金而自試居人天地之鑪



乍躍洪爐之內縱橫成器當隨哲匠之心觀其大冶既陳滿籬  
斯在俄融融而委質忽擘擘而揚彩英華既發雙南之價彌高  
鼓鑄未停百鍊之功可待况乎六府會昌我稟其剛九牧納貢  
我稱其良因烈火而變化逐懿範而圓方如令區別妍媸願為  
軒鑑儻使削平禍亂請就干將國之寶也有如此者欲致用於  
君子故假手於良冶時將禁害夏王之鼎可成君或好賢越相  
之容必寫是知金非工而弗用工非金而易求觀此鎔金之義  
得乎為政之謀君諭冶焉自得化人之旨民為金也克明從上  
亦庶幾於國器

文章辨體卷之一

文章辨體卷之二

外集

海虞後學吳訥編集

律詩一

五言

杜少府之任蜀川

唐王子安

城闕輔三秦風煙望五津與君離別意同是宦游人海內存知  
已天涯若比鄰無為在岐路兒女共霑巾

聖泉宴

披襟乘石磴列席俯春泉蘭氣熏山酌松聲韻野絃影飄垂葉  
外香度落花前興洽林塘晚重巖起夕烟

春晚山莊

駱賓王

顧步三春晚田園四望通遊絲橫惹樹戲蝶亂依藜竹懶偏宜  
水花狂不待風唯餘詩酒意當了一生中



文翁講堂

錦里淹中館岷山稷下亭空梁無燕雀古壁有丹青槐落猶疑市苔深不辨銘良哉二千石江漢表遺靈

暉上人獨坐亭

陳伯玉

鍾梵經行香牀坐入禪巖亭交雜樹石瀨瀉鳴泉水月心方寂雲霞思獨玄寧知人代裏疲病得攀緣

春日登九華觀

白玉仙臺古丹丘別望遙山川亂雲日樓閣入烟霄鶴舞千年樹虹飛百尺橋還逢赤松子天路坐相邀

和韋承慶過義陽公山池

杜必簡

逕轉孤峰逼橋危缺岸妨玉泉移酒味石甍換粳香綰霧青絲弱牽風紫蔓長猶言宴樂少別向後池塘

早春遊望

獨有宦游人偏驚物候新雲霞出海曙梅柳度江春淑氣催黃鳥晴光轉綠蘋忽聞歌古調歸思欲霑巾

遊少林寺

沈雲卿

長歌遊寶地徙倚對珠林鴈塔風霜古龍池歲月深緝園澄夕霽碧殿下秋陰歸路烟霞晚山蟬處處吟

新年作

宋延清

鄉心新歲切天畔獨潛然老至居人下春歸在客先嶺後同日暮江柳共風煙已似長沙傳從今又幾年

與諸子登峴山

孟浩然

人事有代謝往來成古今江山留勝跡我輩復登臨水落魚梁淺天寒夢澤深羊公碑尚在讀罷一霑襟

歲除有懷

迢遞三巴路羈危萬里身亂山殘雪夜孤燭異鄉人漸與骨肉



遠轉於僮僕親那堪正漂泊來日歲華新

晚泊尋陽望香爐峰作

掛席幾千里名山都未逢泊舟尋陽郭始見香爐峰常讀遠公傳末懷塵外蹤東林精舍近日暮坐聞鐘

贈崔秋浦

李太白

崔令學陶令北牕常晝眠抱琴時弄月取意任無絃見客但傾酒為官不愛錢東臯春事起種黍早歸田

送友人

青山橫北郭白水遶東城此地一為別孤蓬萬里征浮雲遊子意落日故人情揮手自茲去蕭蕭班馬鳴

登兗州城樓

杜子美

東郡趨庭日南樓縱目初浮雲連海岱平野入青徐孤嶂秦碑在荒城魯殿餘從來多古意臨眺獨躊躇

春日懷李白

白也詩無敵飄然思不群清新庾開府俊逸鮑參軍渭北春天樹江東日暮雲何時一樽酒重與細論文

故武衛將軍挽詞

嚴警當寒夜前軍落大星壯夫思敗決哀詔惜精靈王者今無戰書生已勒銘封侯意踈闊編簡為誰青

春望

國破山河在城春草木深感時花濺淚恨別鳥驚心烽火連三月家書抵萬金白頭搔更短渾欲不勝簪

哭長孫侍御

道為詩書重名因賦頌雄禮闈曾擢桂憲府舊乘驄流水生涯盡浮雲世事空惟餘舊臺栢蕭瑟九原中

留別質嚴二閣老兩院補闕得聞字



田園須暫往戎馬惜離群去遠留詩別愁多任酒醺一秋常苦  
雨今日始無雲山路晴吹角那堪處處聞

獨酌成詩

燈花何太喜酒綠正相親醉裏從爲客詩成覺有神兵戈猶在  
眼儒術豈謀身苦被微官縛低頭愧野人

晚出左掖

畫刻傳呼凌春旗簇仗齊退朝花底散歸院柳邊迷樓雪融城  
濕宮雲去殿低避人焚諫草騎馬欲鷄栖

春宿左省

花隱掖垣暮啾啾棲鳥過星臨萬戶動月傍九霄多不寢聽金  
鑰因風想玉珂明朝有封事數問夜如何

端午日賜衣

宮衣亦有名端午被恩榮細葛含風軟香羅疊雪輕自天題處  
濕當暑著來清意內稱長短終身荷聖情

初月

光細弦欲上影斜輪未安微升古塞外已隱暮雲端河漢不改  
色關山空自寒庭前有白露暗滿菊花團

遊修覺寺

野寺江天豁山扉花竹幽詩應有神助吾得及春遊徑石相縈  
帶川雲自去留禪枝宿衆鳥漂轉暮歸愁

後遊

寺憶曾遊處橋憐再渡時江山如有待花柳更無私野潤煙光  
薄沙暄日色遲客愁全爲減捨此復何之

爲農

錦里煙塵外江村八九家圓荷浮小葉細麥落輕花卜宅從茲  
老爲農去國賒遠漸勾漏令不得問丹砂



寄楊五桂州譚

五嶺皆炎熱宜人獨桂林梅花萬里外雪片一冬深聞此寬相  
憶為邦復好音江邊送孫楚遠附白頭吟

漫成

江臯已仲春花下復清晨仰面貪看鳥回頭錯應人讀書難字  
過對酒滿壺頻近識峨眉老知余懶是真

春夜喜雨

好雨知時節當春乃發生隨風潛入夜潤物細無聲野徑雲俱  
黑江船火獨明曉看紅濕處花重錦官城

草堂即事

荒村建子月獨樹老夫家雪裏江船渡風前逕竹斜寒魚依密  
藻宿鷺起圓沙蜀酒禁愁得無錢何處賒

客亭

秋窓猶曙色木落更天風日出寒山外江流宿霧中聖朝無棄  
物老病已成翁多少殘生事飄零任轉蓬

涪江泛舟送韋班歸京得山字

追餞同舟日傷春一水間飄零為客久衰老羨君還花雜重重  
樹雲輕處處山天涯故人少更益鬢毛斑

送元二適江左

亂後今相見秋深復遠行風塵為客日江海送君情晉室丹陽  
尹公孫白帝城經過自愛惜取次莫論兵

嚴鄭公同詠竹得香字

綠竹半含籜新梢纔出牆色侵書帙晚陰過酒罇涼雨洗娟娟  
淨風吹細細香但令無翦伐會見拂雲長

吾宗

吾宗老孫子質朴古人風耕鑿安時論衣冠與世同在家常早



起憂國願年豐語及君臣際經書滿腹中

不離西閣

江柳非時發江花冷色頻地偏應有瘴臘近已合春失學從憇子無家住老身不知西閣意肯別定留人

茅屋檢校收稻

香稻三秋末平田百頃間喜無多屋宇幸不礙雲山御被侵寒氣嘗新破旅顏紅鮮終日有玉粒未吾慳

人日

元日到人日未有不陰時冰雪鷲難至春寒花較遲雲隨白水落風振紫山悲蓬髮稀疎又無勞比素絲

江漢

江漢思歸客乾坤一腐儒片雲天共遠永夜月同孤落日心猶壯秋風病欲蘇古來存老馬不必取長途

登岳陽樓

昔聞洞庭水今上岳陽樓吳楚東南坼乾坤日夜浮親朋無一字老病有孤舟戎馬關山北憑軒涕泗流

同崔員外秋宵寓直

王摩詰

建禮高秋夜承明候曉過九門寒漏徹萬井曙鍾多月迥藏珠斗雲消出絳河更慚衰朽質南陌共鳴珂

送丘為下第歸江東

憐君不得意况復柳條春為客黃金盡還家白髮新五湖三畝宅萬里一歸人知爾不能薦羞稱獻納臣

終南別業

中歲頗好道晚家南山隱興來每獨往勝事空自知行到水窮處坐着雲起時偶然值林叟談笑滯還期

南州有贈二首

賈幼隣



極浦三春草高樓萬里心楚山晴靄碧湘水暮流深忽與朝中  
舊同為澤畔吟停盃試北望還欲淚霑襟  
越井人南去湘川水北流江邊數盃酒海內一孤舟嶺嶠同仙  
客京華即舊遊春心將別恨萬里共悠悠

贈杜二拾遺

高逵夫

傳道招提客詩書自討論佛香時入院僧飯屢過門聽法還應  
難尋經剩欲翻草玄今已畢此外復何言

送張子尉南海

岑參

不擇南州尉高堂有老親樓臺重蜃氣邑里雜鮫人海暗三山  
雨花明五嶺春此鄉多寶玉慎莫厭清貧

送王士錄事赴虢州

早歲即相知嗟君最後時青雲仍未達黑髮欲成絲小店關門  
道長河華嶽祠弘農民吏待莫遣馬行遲

晚發五谿

客厭巴南地鄉鄰劔北天江村片雨外野寺夕陽邊芋葉藏山  
徑蘆花間渚田舟行未可住乘月且須牽

泊楊子岸

祖詠

纔入維揚郡鄉關北路遙林藏初霽雨風退欲歸潮江火明沙  
岸雲帆礙浦橋客衣今日薄寒氣近來饒

送李給事歸徐州覲省

孫邀

列位登青瑣還鄉服綠衣共言晨省日便是晝游歸春水經梁  
宋晴山入海沂莫愁東路遠四牡正駢駢

送溧水唐明府

韋應物

三為百里宰已過十餘年祗嘆官如舊旋聞邑屢遷魚塩濱海  
利桑柘傍湖田到此安民俗琴堂又晏然

詠山泉

儲光羲



山中有流水借問不知名映地爲天色飛空作雨聲轉來深澗  
滿分出小池平恬澹無人見年年長自清

次北固山下

王灣

客路青山外行舟綠水前潮平兩岸濶風正一帆懸海日生殘  
夜江春入舊年鄉書何處遠歸鴈洛陽邊

山行

殷遙

寂歷青山曉山行趣不稀野花成子落江燕引雛飛暗草薰苔  
徑晴楊拂石磯俗人猶語此余亦轉忘歸

送韓司直

皇甫茂正

遊吳還適越來往任風波復送王孫去其如芳草何岸明殘雪  
在潮滿夕陽多季子留遺廟停舟試一過

晚至華陰

臘盡促歸心行人及華陰雲霞仙掌出松栢世祠深野渡冰生

岸寒川燒隔林溫泉看漸近宮樹晚沉沉

題破山寺

常建

清晨入古寺初日照高林竹徑通幽處禪房花木深山光悅鳥  
性潭影空人心萬籟此俱寂惟聞鐘磬音

酬劉員外見寄

嚴正文

蘇耽佐郡時近出白雲司藥補清羸疾牕吟絕妙辭柳塘春水  
憊花塢夕陽遲欲識懷君意朝朝訪耕師

松江獨宿

劉文房

洞庭初下葉孤客不勝愁明月天涯夜青山江上秋一官成白  
首萬里寄滄洲又被浮名繫能無愧海鷗

仲夏江陰客舍寄裴明府

李從一

萬室邊江次孤城對海安朝霞晴作雨濕氣晚生寒苔色侵衣  
桁潮痕上井欄題詩招茂宰思尔欲辭官



酬楊當

同游滌沮後已是十年餘幾度曾相夢何時定得書月高城影  
盡霜重柳條疎且對樽中酒千般想未如

同梁鎰文宴

錢仲文

客到衡門下杯香蕙草時好風能自至明月不須期秋水翻荷  
影清霜脆柳枝微官是何物許可廢言詩

喜外弟盧綸見宿

司空文明

靜夜四無鄰荒居舊業貧雨中黃葉樹燈下白頭人以我獨沉  
久懷君相見頻平生自有分况是霍家親

雲陽館與韓紳宿別

故人江海別幾度隔山川乍見翻疑夢相悲各問年孤燈寒照  
雨深竹暗浮煙更有明朝恨離杯惜共傳

送別錢起

郎君甫

莫蟬不可聽落葉豈堪聞共是悲秋客那知此路分荒城背流  
水遠鴈入寒雲陶令門前菊餘花可贈君

岳州逢司空曙

李端

共有鬢年故相逢萬里餘新春兩行淚故國一封書夏口帆初  
落涔陽鴈正踈唯應執盃酒暫食漢江魚

除夜宿石頭驛

戴幼公

旅館誰相問寒燈獨可親一年將盡夜萬里未歸人寥落悲前  
事支離笑此身愁顏與衰鬢明日又逢春

別友人

擾擾倦行役相逢陳蔡間如何百年內不見一人閑對酒惜餘  
景問程愁亂山秋風萬里道又出穆陵關

早行寄朱山人放

山曉旅人去天高秋氣悲明河川上沒芳草露中衰此別又萬



里少年能幾時心知剡谿路聊且寄前期

聞笛

戎昱

入夜思歸切笛聲清更哀愁人不願聽自到枕邊來風起塞雲斷夜深關月開平明獨惆悵落盡一庭梅

醉後憶山中人

王仲初

花開草復秋雲水自悠悠因醉斲無事在生難免愁遇晴須看月聞健且登樓暗想山中伴如今盡白頭

酬韓庶子

張文昌

西街幽僻處正與懶相宜尋寺獨行遠借書常送遲家貧無易事身病是閒時寂寞誰相問祇應君自知

新秋寄樂天

劉夢得

月露發光彩此時方見秋夜涼金氣應天靜火星流蟲響偏依井螢飛直過樓相知盡白首清景復追遊

比固晚眺

竇常

水國芒種後梅天風雨涼露蠶開晚簇江燕語危墻山址北來固潮頭西去長年年此登眺人事幾銷亡

送可久歸越中

賈浪仙

石頭城下泊比固暝鍾初汀鷺衝潮起船窓過月虛吳山侵越衆隋柳入唐疎日欲供調膳辟來何府書

送人入蜀

李遠

蜀客本多愁今君是勝遊碧藏雲外樹紅露驛邊樓杜宇呼名語巴江學字流不知煙雨夜何處夢刀州

孤山寺

張永吉

樓臺聳碧岑一徑入湖心不雨山長潤無雲水自陰斷橋荒蘚合空院落花深猶憶西窓夜鍾聲出北林

鄆北李生

李才江



丰峯秋後夜亂葉落寒虛四五百竿竹二三千卷書雲深猿盜  
栗雨霽蟻沾蔬只隔門前水如同萬里餘

甘露寺

孫魴

寒暄皆有景孤絕畫難形地拱千尋險天垂四面青  
畫燈籠鴈塔夜磬徹漁汀更愛僧房好波光滿戶庭

池上

白樂天

嫋嫋涼風動淒淒寒露零蘭衰花始白荷破葉猶青  
獨立樓沙鶴雙飛照水螢若爲寥落境仍值酒初醒

旅游傷春

李昌符

酒醉鄉關遠迢迢聽漏終曙分林影外春盡雨聲中  
鳥倦江村路花殘野岸風十年成底事羸馬厭西東

寄友人

張正言

世道復何如東西遠索居長疑即見面翻致久無書  
旬麥深藏雉淮苔淺露魚相思不我會明月幾盈虛

商山早行

溫飛卿

晨起動征鐸客行悲故鄉鷄聲茅店月人迹板橋霜  
柵葉落山路枳花明驛墻因思杜陵夢鳧滿回塘

長安春日

浩浩看花晨六街揚遠塵塵中一丈日誰是晏眠人  
御柳垂著水野鶯啼破春徒云多失意猶自惜離秦

客中

于武陵

楚人歌竹枝游子淚沾衣異國久爲客寒宵頻夢歸  
一封書未返千樹葉皆飛南過洞庭水更應消息稀

南游有感

杜陵無厚業不得駐車輪重到曾游處多非舊主人  
東風千里樹西日一洲蘋又度湘江去湘江水復春



送鄭宥入蜀

李頻

寧親西陟險君去異王陽在世誰非客還家即是鄉  
劔門千轉盡巴水一支長請語愁猿道無煩促淚行

途中別孫璐

方雄飛

道路本無限又應何處逢流年莫虛擲華髮不相容  
野渡波搖月寒城雨翳鍾此心隨去馬迢遞過重峰

春宮

杜荀鶴

早被嬋娟誤欲粧臨鏡慵承恩不在貌教妾若爲容  
風暖鳥聲碎日高花影重年年越溪女相憶採芙蓉

孤鴈

崔塗

幾行歸塞盡念爾獨何之暮雨相呼失寒塘欲下遲  
渚雲低暗度關月冷相隨未必逢繒繳孤飛自可疑

韋處士山居

許用晦

薜蘿去還歸人家半掩扉山風藤子落溪雨豆花肥  
寺遠僧來少橋危客過稀不聞砧杵動應解製荷衣

秋夜汎舟

劉方平

林塘夜汎舟蟲響秋颼颼萬影皆因月千聲各爲秋  
歲華空復晚鄉思不堪愁西北浮雲起伊川何處流

春日卧病書懷

劉子夏

楚客經年病孤舟人事稀晚晴江柳變春暮塞鴻歸  
今日方知命前年自覺非不能憂歲計無限故山薇

中秋月

宋王元之

何處見清輝登樓正午時莫辭終夕看動是隔年期  
冷濕流螢草光疑睡鶴枝不禁鷄唱曉輕別下天涯

春日登樓懷歸

高樓聊引望杳杳一川平野水無人渡孤舟盡日橫  
荒村生斷



靄古寺語流鶯舊業遙清渭沉思忽自驚

江行

江爲

越信隔年稀孤舟幾夢歸月寒花露重江晚水煙微岸直帆相望沙空鳥並飛何時洞庭上春雨滿簑衣

八月十四夜月

范仲淹

光華豈不盛賞宴尚遲遲天意將圓夜人心待滿時已知千里共猶訝一分虧來夕如澄霽清風不負期

秋懷

歐陽永叔

節物豈不好秋懷何黯然西風酒旗市細雨菊花天感事悲霜鬢包羞食萬錢鹿車終自駕歸去賴東田

廣愛寺朱瑤畫

蘇子瞻

朱瑤唐晚輩得法尚雄深滿寺空遺迹何人識苦心長廊歌雨脚破壁撼鍾音成壞無窮事他年復弔今

閑居有感

李宗易

進退荷君恩孤懷豈易論以閑消日月何力報乾坤架上書千卷花前酒一樽相持兩成癖此外盡忘言

巖桂

未晦庵

山中綠玉樹蕭灑向秋深小閣芬微度書帷氣欲侵披懷清露曉遇賞夕嵐陰珍重王孫意天涯淚滿襟

九日

此日登高處千巖錦樹稠無人嘲落帽有客賦悲秋忽忽塵中老匆匆物外遊江湖空極目不盡古今愁

舟達黃溪

元姚端甫

草木隨寒暑殊方榮悴同葦華兼露白檉葉未霜紅日月雙飛鳥江湖一病翁晚來沙嶼上愁坐獨書空

泊舟湘岸

李材



長沙今在眼青草舊知名二月風檣疾三湘雪浪平藤深帝子廟花發定王城莫艤江南岸啼鵲處處聲

送蘇子寧赴嶺北行省郎中

袁伯長

貂帽護寒沙冰天閱歲華斷溪駝聽水密雪犬行車雲盡難尋鴈春深未識花昔人竒絕處八月解乘槎

名酒

虞伯生

名酒不可得幽華誰送來秋霜垂鬢髮夕照在樓臺盡日山公醉何年庾信迴喚人吹玉笛移席坐蒼苔

贈方韶父處士

楊仲弘

蜀郡蘇明允襄陽孟浩然成名兼二子得句詫群賢口絕人間事身如物外仙卓然能有此未信獨無傳

南康夜泊聞廬阜鐘聲

揭曼碩

廬山三百寺何處扣層雲宿鳥月下去歸人湖上聞入空應

迥近瀑正難分遙想諸僧定香爐上夕熏

次王御史韻

薩天錫

江村連日雪騎馬欲何之老樹昏鴉集寒塘落鴈遲松牕燈下酒竹屋夜深棋寄語王公子幽棲或可期

雨花臺

達德越士

漠漠平蕪碧蕭蕭亂葉紅褰衣上危石欹帽立西風日月奔馳外江山感慨中他鄉對零落莫放酒杯空

桃源圖

傅與礪

聞說避秦地花開忘歲年偶逢漁父問長使世人傳丘壑渾疑幻林廬或近仙至今圖畫裏惆悵武陵船

曉出錢塘門

成廷圭

出城聊適意草樹碧紛紛一雨破清曉四山生白雲僧樓綠嶺出樵徑過橋分明日重携酒來澆和靖墳



書懷

王元章

世情多曲折客况自堪憐聽雨愁如海懷人夜似年草肥燕地  
馬花老蜀山鶻冷淡無歸計蒼苔滿石田

寄方壺道人

洪武詹同文

海上神仙館天邊處士星卧雲歌酒德對雨著茶經石洞龍嘘  
氣松巢鶴墜翎都將金王句一一寫空青

郡齋偶賦

王子充

宦况真蕭索虛齋足晝眠思親懷愛日閱史記疑年白髮生愁  
後黃華立醉邊風流陶靖節輸爾早歸田

夜宿江夏將往衡湘留贈親友

魏杞山

茅屋江聲合松舟月色遲把杯頻就席剪燭共題詩攬瑟清湘  
夜聞簫赤壁時美人千里外迢遞寄相思

贈友

楊克明

與子分携後星霜二十年重逢驚老大惜別更留連花落春江  
雨鶻啼綠樹烟幽懷浩難寫愁墮酒尊前

題孫子讓山水

劉宗弼

斜日在松杉千崖暝色酣山藏五柳宅路轉百花潭亂石明蒼  
玉遙峰露碧簪終希陪妙躅來此脫征驂

題劉汝弼東源小隱圖

蘇平仲

東源山水好聞說似終南種黍都為酒誅茅小作庵過門人問  
字看竹客停驂亦有幽棲意遲歸我獨慙

登聚寶山分韻得春字

張孟謙

蹤跡憐身拙登臨縱目頻江山如好客花鳥故餘春落落行藏  
異悠悠歲月新數莖初白髮朝夕為思親

得鄉書

劉汝弼

鄉書不忍看憂緒每多端鶴髮慈親老鷄衣稚子寒園田多撥



棄耆舊半凋殘朝夕東歸念雲山正渺漫

雪夜宿翰林院呈危宋二院長

高季迪

偶伴王摩詰寒宵宿禁林院鈴風外靜宮漏雪中沉絳蠟銷吟  
燭青綾擁賜衾明朝陪賀瑞銀闕曉光深

荅高廉同飲後見寄

竹林清暑宴客散獨歸時愁記觀餘別醒慙醉後詩蟬催斜景  
急鳥度廣川遲何事聞鍾處勞君尚遠思

晚望

劉子高

山氣碧氤氳深林帶夕曛人歸孤嶂晚犬吠隔溪雲杉竹何年  
種烟塵此地分桃源寧異此猶恐世人聞

江村雜興

楊孟載

儀困非無舌顏空尚有田病多賒藥券貧乏買山錢白壁交徵  
日黃金寵賜年都將舊遊夢一咲野鷗前

卷二終

文章辨體卷之三

外集

海虞後學吳訥編集

律詩二

七言

三陽石淙侍宴應制

唐宋延清

離宮秘苑勝瀛洲別有仙人洞壑幽巖邊樹色含風冷石上泉  
聲帶雨秋鳥向歌筵來度曲雲依帳殿結為樓微臣昔忝方明  
御今日還陪八駿遊

奉和春日幸望春宮應制

張道濟

別館芳菲上苑東飛花淡蕩御筵紅城臨渭水天河淨闕對南  
山雨露通繞殿流鶯凡幾樹當蹊亂蝶許多叢春園既醉心和  
樂共識皇恩造化同

登黃鶴樓

崔顥



昔人已乘白雲去此地空餘黃鶴樓黃鶴一去不復返白雲千載空悠悠晴川歷歷漢陽樹芳草萋萋鸚鵡洲日暮鄉關何處是烟波江上使人愁

登鳳凰臺

李太白

鳳凰臺上鳳凰遊鳳去臺空江自流吳宮花草埋幽逕晉代衣冠成古丘三山半落青天外二水中分白鷺洲總爲浮雲能蔽日長安不見使人愁

題東溪公幽居

杜陵賢人清且廉東溪卜築歲將淹宅近東山同謝眺門垂碧柳似陶潛好鳥迎春歌後院飛花送酒舞前簷客到但知留一醉盤中祇有水精盃

秋興

杜子美

玉露凋傷楓樹林巫山巫峽氣蕭森江間波浪兼天湧塞上風雲接地陰叢菊兩開他日淚孤舟一繫故園心寒衣處處催刀尺白帝城高急暮砧

夔府孤城落日斜每依南斗望京華聽猿實下三聲淚奉使虛隨八月槎畫省香爐違伏枕山樓粉蝶隱悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎汎清秋燕子故飛飛匡衡抗疏功名薄劉向傳經心事違同學少年多不賤五陵衣馬自輕肥

聞道長安似奕棋百年世事不勝悲王侯第宅皆新主文武衣冠異昔時直北關山金鼓振征西車馬羽書遲魚龍寂寞秋江冷故國平居有所思

蓬萊宮闕對南山承露金盤霄漢間西望瑤池降王母東來紫氣滿函關雲移雉尾開宮扇日遶龍鱗識聖顏一卧滄江驚歲



晚幾回青鎖點朝班

瞿塘峽口曲江頭萬里風烟接素秋  
花萼夾城通御氣芙蓉小苑入遙愁  
珠簾繡柱圍黃鵠錦纜牙檣起白鷗  
迴首可憐歌舞地秦中自古帝王州

昆明池水漢時功武帝旌旗在眼中  
織女機絲虛夜月石鯨鱗甲動秋風  
波漂菰米沉雲黑露冷蓮房墜粉紅  
關塞極天唯鳥道江湖滿地一漁翁

昆吾御宿自逶迤紫閣峰陰入羨陂  
香稻啄餘鸚鵡粒碧梧棲老鳳凰枝  
佳人拾翠春相問仙侶同舟晚更移  
綵筆昔曾干氣象白頭吟望苦低垂

詠懷古迹

搖落深知宋玉悲風流儒雅亦吾師  
悵望千秋一灑淚瀟條異代不同時  
江山故宅空文藻雲雨荒臺起夢思  
最是楚宮俱泯

滅舟人指點到今疑

群山萬壑赴荆門生長明妃尚有村  
一去紫臺連朔漠獨留青塚向黃昏  
畫圖省識春風面環珮空歸月夜魂  
千歲琵琶作胡語分明怨恨曲中論

蜀主窺吳幸三峽崩年亦在永安宮  
翠華想像空山裏玉殿虛無野寺中  
古廟杉松巢水鶴歲時伏臘走村翁  
武侯祠屋長鄰近一體君臣祭祀同

諸葛大名垂宇宙宗臣遺像肅清高  
三分割據紆籌策萬古雲霄一羽毛  
伯仲之間見伊呂指揮若定失蕭曹  
運移漢祚終難復志決身殲軍務勞

奉和賈至舍人早朝大明宮

五夜漏聲催曉箭九重春色醉仙桃  
旌旗日暖龍蛇動宮殿風微燕雀高  
朝罷香煙携滿袖詩成珠玉在揮毫  
欲知世掌絲綸



美池上于今有鳳毛

宣政殿退朝晚出左掖

天門日射黃金榜春殿晴曛赤羽旗宮草微微承委珮爐烟細  
細駐遊絲雲近蓬萊常五色雪殘鳩鵲亦多時侍臣緩步歸青  
鎖退食從容出每遲

紫宸殿退朝口號

戶外昭容紫袖垂雙瞻御座引朝儀香飄合殿春風轉花覆千  
官淑景移晝漏稀聞高閣報天顏有喜近臣知宮中每出歸東  
省會送夔龍集鳳池

曲江

一片花飛減却春風飄萬點正愁人且看欲盡花經眼莫厭傷  
多酒入唇江上小堂巢翡翠苑邊高塚卧麒麟細推物理須行  
樂何用浮名絆此身

朝回日日典春衣每日江頭盡醉歸酒債尋常行處有人生七  
十古來稀穿花蛺蝶深深見點水蜻蜓款款飛傳語風光共流  
轉暫時相賞莫相違

嚴中丞枉駕見過

元戎小隊出郊坰問柳尋花到野亭川合東西瞻使節地分南  
北任浮萍扁舟不獨如張翰阜帽應兼似管寧寂寞江天雲霧  
裏何人道有少微星

贈獻納起居田舍人澄

獻納司存雨露邊地分清切任才賢舍人退食收封事宮女開  
函近御筵曉漏追趨青鎖闥晴牕點檢白雲篇揚雄更有河東  
賦唯待吹噓送上天

蜀相

丞相祠堂何處尋錦官城外柏森森映階碧草自春色隔葉黃



鷓鴣空好音三顧頻繁天下計兩朝開濟老臣心出師未捷身先  
死長使英雄淚滿襟

九日宴藍田崔氏莊

老去悲秋強自寬興來今日盡君歡羞將短髮還吹帽笑倩傍  
人爲正冠藍水遠從千澗落玉山高並兩峰寒明年此會知誰  
健醉把茱萸仔細看

至日遣興奉寄比省舊閣老兩院故人

憶昨逍遙供奉班去年今日侍龍顏麒麟不動爐烟上孔雀徐  
開扇影還玉几由來天北極朱衣只在殿中間孤城此日堪腸  
斷愁對黃雲雪滿山

臘日

臘日常年暖尚遙今年臘日凍全消侵凌雪色還萱草漏洩春  
光有柳條縱酒欲謀良夜醉還家初散紫宸朝口脂面藥隨思  
澤翠管銀罌下九霄

倍李七司馬華江上觀造竹橋

伐竹爲橋結構同褰裳不涉往來通天塞白鷓歸華表日落青  
龍見水中顧我老非題柱客知君才是濟川功合歡却笑千年  
事驅石何時到海東

客至

舍南舍北皆春水但見群鷗日日來花徑不曾緣客掃蓬門今  
始爲君開盤食市遠無兼味尊酒家貧只舊醅肯與鄰翁相對  
飲隔籬呼取盡餘杯

狂夫

萬里橋西一草堂百花潭水即滄浪風含翠篠娟娟淨雨裛紅  
蓼冉冉香厚祿故人書斷絕恒飢稚子色淒涼欲填溝壑唯踈  
放自笑狂夫老更狂



燕子來舟中作

湖南為客動經春，燕子銜泥兩度新。  
舊入故園常識主，如今社日遠看人。  
可憐處處巢居室，何異飄飄托此身。  
暫語船檣還復去，穿花落水益沾巾。

寒食舟中作

佳辰強飲食猶寒，隱几蕭條戴鶻冠。  
春水船如天上坐，老年花似霧中看。  
娟娟戲蝶過閑慢，片片輕鷗下急湍。  
雲白山青萬餘里，愁看直北是長安。

江村

清江一曲抱村流，長夏江邨事事幽。  
自去自來堂上燕，相親相近水中鷗。  
老妻畫紙為棋局，稚子敲針作釣鉤。  
多病所須唯藥物，微軀此外更何求。

卜居

浣花溪水西頭，主人為卜林塘幽。  
已知出郭少塵事，更有澄江消客愁。  
無數蜻蜓齊上下，一雙鸚鵡對沉浮。  
東行萬里堪乘興，須向山陰上小舟。

題省中壁

掖垣竹埤梧十尋，洞門對雪常陰陰。  
落花遊絲白日靜，鳴鳩乳燕青春深。  
腐儒衰晚謬通籍，退食遲迴違寸心。  
袞職曾無一字補，許身愧比雙南金。

秋風

秋風淅淅吹我衣，東流之外西日微。  
天青小城搗練急，石古細路行人稀。  
不知明月為誰好，蚤晚孤帆他夜歸。  
會將白髮倚庭樹，故園池臺今是非。

暮歸

霜黃碧梧白鶴栖，城上擊柝復烏啼。  
客子入門月皎皎，誰家搗



練風淒淒南渡桂水闕舟楫比歸秦川多鼓鞞年過半百不稱  
意明日看雲還杖藜

柏學士茅屋

碧山學士焚銀魚白馬却走身巖居古人已用三冬足年少今  
開萬卷餘晴雲滿戶團傾蓋秋水浮階溜決渠富貴必從勤苦  
得男兒須讀五車書

早朝大明宮

賈幼隣

銀燭朝天紫陌長林城春色曉蒼蒼千條弱柳垂青瑣百轉流  
鶯遶建章劍佩聲隨玉墀步衣冠身惹御爐香共沐恩波鳳池  
裏朝朝染翰侍君王

和賈舍人早朝

王摩詰

絳幘鷄人報曉籌尚衣方進翠雲裘九天闈闔開宮殿萬國衣  
冠拜冕旒日色纔臨仙掌動香烟欲傍袞龍浮朝罷須裁五色  
詔佩聲歸到鳳池頭

酬郭給事

洞門高閣霽餘暉桃李陰陰柳絮飛禁裏踈鍾官舍曉省中啼  
鳥吏人稀晨搖玉佩趨金殿夕奉天書拜瑣闈強欲從軍無柰  
老將因卧病解朝衣

和賈至舍人早朝

岑參

鷄鳴紫陌曙光寒鶯轉皇州春色闌金闕曉鍾開萬戶玉階仙  
仗擁千官花迎劍佩星初落柳拂旌旗露未乾獨有鳳凰池上  
客陽春一曲和皆難

和王員外雪後早朝

長安雪後似春歸積素凝華炫曙暉色借玉珂迷曉騎光添銀  
燭晃朝衣西山落月臨天仗北闕晴雲捧禁闈聞道仙郎歌白  
雪由來此曲和人稀



送王李二少府貶峽

高逵夫

嗟君此別意何如駐馬嘶盃問謫居巫峽啼猿數行淚衡陽歸  
鴈幾封書青楓江上秋天遠白帝城邊古木踈聖代只今多雨  
露暫時分手莫躊躇

送魏萬之京

李頎

朝聞遊子唱離歌昨夜微霜初度河鴻鴈不堪愁裏聽雲山况  
是客中過關城曙色催寒近御苑砧聲向晚多莫是長安行樂  
處空令歲月易蹉跎

寄司勳盧員外

流澌八月下河陽草色新年發建章秦地立春傳太史漢宮題  
柱憶仙郎歸鴻欲度千門雪侍女新添五夜香早晚薦雄文似  
者故人今已賦長楊

杜員外兄示詩因作此寄上

郭受

新詩海內流傳久舊德朝中屬望勞郡邑地卑饒霧雨江湖天  
闊足風濤松醪酒熟傍看醉蓮葉舟輕自學操春興不知凡幾  
首衡陽紙價頗能高

早朝寄所知

皇甫孝常

長安雪後見歸鴻紫禁朝天拜舞同曙色漸分雙闕下漏聲遙  
在百花中爐烟乍起開仙仗玉佩成行引上公共荷發生同雨  
露不應黃葉久從風

同温丹徒登萬歲樓

皇甫茂政

高樓獨上思依依極浦遙山合翠微江客不堪頻北望塞鴻何  
事復南飛丹陽古渡寒烟積瓜步空洲遠樹稀聞道王師猶轉  
戰誰能談笑解重圍

送李錄事歸襄陽

劉文房

十年多難與君同幾處移家逐轉蓬白首相逢征戰後青春已



過亂離中行人杳杳看西月歸馬蕭蕭向北風漢水楚雲千萬  
里天涯此別恨無窮

和李員外扈從幸溫泉宮

錢仲文

未央月曉度疎鍾鳳輦時巡出九重雲霧山門迎瑞日雲開水  
殿候飛龍輕寒不入宮中樹佳氣常津仗外峰遙羨枚臯扈仙  
蹕偏承霄漢渥恩濃

長安春望

盧允言

東風吹雨過青山却望千門草色閑家在夢中何日到春來江  
上幾人還川原繚繞浮雲外宮闕參差落照間誰念爲儒逢世  
難獨將衰鬢客秦關

元日早朝

楊景山

北極長尊仰聖時周家何用問元龜天顏入曙千官拜日色迎  
春萬物知闔闔迥臨黃道正衣冠高對碧山隱微臣願獻封人

祝壽酒年年太液池

題仙遊觀

韓君平

仙臺初見五城樓風物淒淒宿雨收山色遙連秦樹晚砧聲近  
報漢宮秋疎松影落空壇淨細草香生小洞幽何用別尋方外  
去人間亦自有丹丘

朝下寄韓舍人

耿漳

侍臣鳴珮出西曹鑿殿分階翊綵旄瑞氣迥浮青玉案日華遙  
上赤霜袍花間焰焰雲旂合鳥外亭亭露掌高肯念萬年芳樹  
裏隨風一葉在蓬蒿

別舍第宗一

柳子厚

零落殘魂倍黯然雙垂別淚越江邊一身去國六千里萬死投  
荒十二年桂嶺瘴來雲似墨洞庭春盡水如天欲知此別相思  
夢長在荆門郢樹烟



登柳州城樓寄漳汀封連四州

城上高樓接太荒，海天愁思正茫茫。  
驚風亂飈芙蓉水，密雨斜侵薜荔牆。  
嶺樹重遮千里目，江流曲似九回腸。  
共來百粵文身地，猶自音書滯一方。

寒食內宴

張文昌

城闕沉沉向曉寒，恩當冷節賜餘歡。  
瑞烟入處開三殿，香雨微時引百官。  
寶樹樓前分繡幘，綵衣廊下映華欄。  
宮筵戲樂年年別，已得三回對御看。

酬嚴司空見寄

武伯蒼

金貂再領三公府，玉帳連封萬戶侯。  
簾捲青山巫峽曉，牕開碧樹渚宮秋。  
劉琨坐嘯風生席，謝朓題詩月滿樓。  
白雪調高歌不得，美人南望翠蛾愁。

元日樓前觀仗

薛陶臣

千門曙色瑣寒梅，五夜鐘聲催寶馬。  
占堤朝闕去香車，爭路進名來天臨玉几。  
班初合日照金雞，仗欲回夜向紫微看。  
北斗上林佳氣護樓臺。

登洛陽城

許用晦

禾黍離離半野蒿，昔人城此豈知勞。  
水聲東去市朝變，山勢北來宮殿高。  
鴉噪暮雲歸古堞，鴈逐寒雨下空壕。  
可憐絳嶺登仙子，猶自吹笙醉碧桃。

金陵懷古

玉樹歌殘王氣終，景陽兵合戍樓空。  
楸梧遠近千官塚，禾黍高低六代宮。  
石甍拂雲晴亦雨，江豚吹浪夜還風。  
英雄一去豪華盡，惟有青山似洛中。

凌敲臺

宋祖凌歊樂未回，三千歌舞宿層臺。  
湘潭雲盡暮山出，巴蜀雪



消春水來行殿有基荒薺合寢園無主野棠開百年便作萬年  
計巖畔古碑空綠苔

凌歊臺送韋秀才

雲起高臺日未沉數村殘照半巖陰野蠶成繭桑柘盡谿鳥引  
雛蒲稗深帆勢依依投極浦鐘聲杳杳隔前林故山迢迢故人  
去一夜月明千里心

京口寄友人

吳門烟月昔同遊楓葉蘆花共客舟聚散有期雲北去浮沉無  
計水東流一尊酒盡青山暮千里書回碧樹秋何處相思不相  
見鳳樓宮闕楚江頭

晚自朝臺至韋隱居郊園

秋來鳧鴈下方塘繫馬朝臺步夕陽村逕繞山松葉暗柴門流  
水稻花香雲連海氣琴書潤風帶潮聲枕簟涼西去磻谿猶萬  
里可能垂白待文王

四皓廟

桂香松暖廟門開獨瀉椒漿奠一盃秦法欲興鴻已去漢儲將  
廢鳳還來紫芝翳翳多青草白石蒼蒼半綠苔山下驛程南竄  
路不知冠蓋幾人回

錦瑟

李義山

錦瑟無端五十絃一絃一柱思華年莊生曉夢迷蝴蝶望帝春  
心託杜鵑滄海月明珠有淚藍田日暖玉生烟此情可待成追  
憶只是當時已惘然

茂陵

漢家天馬出蒲梢苜蓿榴花徧近郊內苑只知銜鳳觜屬車無  
復挿雞翹玉桃偷得憐方朔金屋粧成貯阿嬌誰料蘇卿老歸  
國茂陵松栢雨瀟瀟



馬嵬

海外徒聞更九州他生未卜此生休空聞虎旅鳴宵柝無復雞人報曉籌此日六軍同駐馬當時七夕笑牽牛如何四紀為天子不及盧家有莫愁

籌筆驛

魚鳥猶疑畏簡書風雲長為護儲胥徒令上將揮神筆終見降王走傳車管樂有才終不忝關張無命欲何如他年錦里經祠廟梁甫吟成恨有餘

隋宮

紫泉宮殿鎖烟霞欲取蕪城作帝家玉璽不緣歸日角錦帆應是到天涯千今腐草無螢火終古垂楊有暮鴉地下若逢陳後主豈宜重問後庭花

酬張芬叔後見寄

司空文明

紫鳳朝銜五色書陽春忽布網羅除已將心變寒灰後豈得光生腐草餘建水風烟收客淚杜陵花竹夢郊居勞君故有詩相贈欲報瓊瑤愧不如

過陳琳墓

溫飛卿

曾於青史見遺文今日飄零過古墳詞客有靈應識我霸才無主始怜君石麟埋沒藏秋草銅雀荒涼對暮雲莫怪臨風倍惆悵欲將書劒學從軍

和樂天早春見寄

元微之

雨香雲淡覺微和誰送春聲入棹歌萱近北堂穿土蚤柳偏東面受風多湖添水色消殘雪江送潮頭湧漫波同受新年不同賞無由縮地欲如何

鄂州寓嚴澗宅

鳳有高梧鶴有松偶來江外寄行蹤花枝滿院空啼鳥塵榻無



人憶卧龍心想夜閑惟足夢眼看春盡不相逢何時最是思君處月入斜窓曉寺鐘

寄樂天

榮辱升沉影與身世情誰是舊雷陳惟應鮑叔偏憐我自保曾參不殺人山入白樓沙苑莫潮生滄海野塘春老逢佳景惟惆悵兩地各傷無限神

和趙相公登鶴雀樓

殷堯藩

危樓高架沈寥天上相閑登立綵旃樹色到京三百里河流歸漢幾千年晴峰聳日當周道秋穀垂花滿舜田雲路何人見高志最看西面赤欄前

咸陽懷古

劉滄

經過此地無窮事一望凄然感廢興渭水故都秦二世咸陽秋草漢諸陵天空絕塞聞邊鴈葉盡孤村見夜燈風景蒼蒼多少恨寒山半出白雲層

長洲懷古

野燒空原盡荻灰吳王此地有樓臺千年事往人何在半夜月明潮自來白鳥影從江樹沒清猿聲入楚雲哀停車日晚薦蘋藻風靜寒塘花正開

煬帝行宮

此地曾經翠輦過浮雲流水竟如何香銷南國美人盡怨入東風芳草多殘柳宮前空露葉夕陽江上浩煙波行人遙起廣陵思古渡月明聞棹歌

廢宅

吳子華

風飄碧瓦雨摧垣却有鄰人為鎖門幾樹好花閑白晝滿庭荒草易黃昏放魚池涸蛙爭聚棲燕梁空雀自喧不獨淒涼眼前事咸陽一火便成原



龍泉寺絕頂

方雄飛

未明先見海底日良久遠鷄方報晨古樹含風常帶雨寒巖四月始知春中天氣爽星河近下界時豐雷雨均前後登臨思無盡年年改換往來人

江亭春霽

李郢

江籬漠漠荇田田江上雲亭霽景鮮蜀客帆檣背歸燕楚山花木怨啼鶻春風掩映千門柳晚色凄凉萬井烟金磬泠泠水南寺上方臺殿翠微連

江亭秋霽

碧天涼冷鴈來疎閑看江雲思有餘秋館池亭荷葉後野人籬落豆花初無愁自得仙翁術多病能忘太史書聞說故園香稻熟片帆歸去就鱸魚

寒食

來鵬

獨把一盃山館中每驚時節恨飄蓬侵階草色連朝雨滿地梨花昨夜風蜀魄啼來春寂寞楚魂吟後月朦朧分明記得還家夢徐孺宅前湖水東

病起

春初一卧到秋深不見紅芳與綠陰牕下展書難久讀池邊扶杖欲閑吟藕穿平地生荷葉筍過東家作竹林在舍渾如遠鄉客詩僧酒伴鎮相尋

九日齊山登高

杜牧之

江涵秋影鴈初飛與客携壺上翠微人世難逢開口笑菊花須插滿頭歸但將酪酊酬佳節不用登臨怨落暉古往今來只如此牛山何必獨沾衣

春日長安即事

崔魯

一百五日又欲來梨花梅花參差開行人自笑不歸去瘦馬獨



吟真可哀杏酪漸香鄰舍粥榆烟將變舊爐灰玉樓春暖笙歌  
夜肯信愁腸日九回

送友人遊江南

耿漳

遠別悠悠白髮新江潭何處是通津潮聲偏懼初來客海味惟  
甘久住人漠漠烟光漁浦晚青青草色定山春汀洲更有南回  
鴈亂起聯翩北向秦

尋郭道士不遇

白樂天

郡中乞假來尋訪洞裏朝元去不逢看院只留雙白鶴入門唯  
見一青松藥爐有火丹應伏雲碓無人水自春欲問參同契中  
事未知何日得相從

長安秋夕

趙承祐

雲物淒涼拂曙流漢家宮闕動高秋殘星數點鴈橫塞長笛一  
聲人倚樓紫艷半開籬菊淨紅衣落盡渚蓮愁鱸魚正美不歸  
去空戴南冠學楚囚

春夕旅懷

崔塗

水流花謝兩無情送盡東風過楚城蝴蝶夢中家萬里杜鵑枝  
上月三更故園書動經年別華髮春惟兩鬢生自是不歸歸便  
得五湖烟景有誰爭

早秋京口贈張侍御

李從一

移家避寇逐行舟厭見南徐江水流吳地征徭非舊日秣陵凋  
弊不宜秋千家閉戶無砧杵七夕何人望斗牛祇有同時驄馬  
客徧題尺牘問窮愁

夏夜宿表兄家話舊

竇遺直

夜合花開香滿庭夜深微雨醉初醒遠書珍重何曾違舊事淒  
涼不可聽去日兒童皆老大昔年親友半凋零明朝又是孤舟  
別愁見河橋酒幔青



早朝五門西望

王仲初

百官朝下五門西塵起春風滿御堤黃帕蓋鞍呈了馬紅羅纏  
項闕回雞館松枝重墻頭出渠柳條長水面齊惟有教坊南草  
色古城陰處冷萋萋

西塞懷古

劉夢得

王濬樓船下益州金陵王氣漠然收千尋鐵鎖沉江底一片降  
旗出石頭人世幾回傷往事山形依舊枕寒流今逢四海為家  
日故壘蕭蕭蘆荻秋

春夜偶作

宋冠平仲

一夕衡門獨自開雨陰深巷少塵埃醉醒風傍池邊起坐久月  
從花上來何處夜歌初欲斷幾家春夢未知回因思此興無人  
共時復孤吟步綠苔

梅花

林君復

吟懷長恨負芳時為見梅花輒入詩雪後園林纔半樹水邊籬  
落忽橫枝人憐紅艷多應俗天與清香似有私堪笑胡雛亦風  
味解將別調角中吹

小園梅花

衆芳搖落獨暄妍占盡東風向小園踈影橫斜水清淺暗香浮  
動月黃昏霜禽欲下先偷眼粉蝶如知合斷魂幸有微吟可相  
狎不須檀板共金樽

內直對月

歐陽永叔

禁署沉沉玉漏傳月華雲表溢金盤纖埃不隔光初滿萬物無  
聲夜向闌蓮燭燒殘愁夢斷薰爐熏歇覺衣單水精宮鎖黃金  
闕故比人間分外寒

葛溪驛

王介甫

缺月昏昏漏未央一燈明滅照秋牀病中最覺風露早歸夢不



知山水長坐感歲時歌慷慨起看天地色淒涼鳴蟬更亂行人  
耳正抱踈桐葉半黃

恭和御製上元觀燈

王禹玉

雪消華月滿高臺萬燭當樓寶扇開雙鳳雲中扶輦下六鼇海  
上駕山來鎬宮春酒霑周燕汾水秋風陋漢材一曲昇平人共  
樂君王又進紫霞盃

郊行即事

程明道

芳原綠野恣行時春入遙山碧四圍興逐亂紅穿柳巷因臨流  
水坐苔磯莫辭酒盞十分醉只恐風花一片飛况是清明好天  
氣不妨游衍暮忘歸

出潁口初見淮山

蘇子瞻

我行日夜向江海楓葉蘆花秋興長平淮忽迷天遠近青山又  
與船低昂壽州已見白石塔短棹未轉黃茅岡波平風軟望不  
至故人久立煙蒼茫

玉堂夜直

微霰踈踈點玉堂詞頭夜下攬衣忙光分御燭星辰爛拜賜宮  
壺雨露香醉眼有花書字大老人無睡漏天長何時却遂桑榆  
暖社酒寒燈樂未央

病後登快哉亭

賀方回

經雨清蟬得意鳴紅塵開處見歸程病來把酒不知歌夢後倚  
樓無限情鷗帶殘枝投古剎草將野色入荒城故園又負黃華  
約但覺秋風鬢上生

夢山中故人

朱晦庵

風雨瀟瀟已送愁不堪懷抱更離憂故人只在千巖裏桂樹無  
端一夜秋把袖追歡勞夢寐舉杯相屬暫綢繆覺來却是天涯  
客簷響潺潺瀉未休



前村見梅

玉立寒煙寂寞濱仙姿瀟灑淨無塵千林搖落今如許一樹橫  
斜獨可人真與雪霜娛晚景任從桃柳殿殘春綠陰青子明年  
事衆口驚嗟鼎味新

歌風臺

元吳幼清

黃屋巍巍萬乘尊千秋遊子故鄉魂韓彭自取夷三族平勃猶  
堪托後昆湛露只今王迹熄歌風終古霸心存當時儘是規模  
遠願起河汾與細論

和姚子敬秋興

趙子昂

落日孤城動鼓鼙樓中畫角不勝吹山川蕭瑟秋雲淨草木凋  
傷暮雨悲多病長卿嘲暇日數竒李廣不逢時捲簾白水青山  
外隱几無言有所思

吳官烟冷水空流慘淡風雲暗九秋天黍故基曾駐輦芙蓉高

閣迥添愁繡楹錦柱蛟龍泣金沓瑤階鹿豕遊宋玉平生取蕭

瑟欲將九辯賦離憂

銅雀春深漢苑空邯鄲月冷照秦宮烟花樓閣西風裏錦繡湖  
山落照中河水南來非禹迹冀方北去有唐風溪城秋色催遲  
暮愁對黃雲沒斷鴻

搔首風塵雙短鬢側身天地一儒冠中原人物思王猛江左功  
臣愧謝安首著秋高戎馬健江湖日短白鷗寒金樽綠酒無錢  
共安得愁中却暫歡

玉堂讀卷

虞伯生

玉堂策士詔儒臣御筆親題墨色新省樹坐移簾裏日宮壺馳  
賜殿頭春虞廷制作夔龍盛漢代文章董賈醇書閣暮年徧感  
遇但歌天保會皇仁

送韓伯高僉憲制西

辭體外卷三

六



五月樓船過大江海風吹雨灑船牕雲消虹蜺橫山閣潮落龜  
鼉避石磻闕下諫書誰第一濟南文士舊無雙湖陰暑退多魚  
鳥應勝愁吟對怒龍

題文忠臣廟

徒把金戈挽落暉南冠不耐北風吹張良本爲韓仇出諸葛焉  
知漢祚衰雲暗鼎湖龍去遠月明華表鶴歸遲不須更上新亭  
望殆不如前灑淚昔

答李本錄詩

老去逢春祗謾吟敢煩綵筆爲追尋玉堂天上成塵夢茆屋山  
中稱野心萬里雲霄歸鳥盡孤村風雨落花深文章傳世知何  
用空使高情慨古今

題黃君秋江釣月圖

范德機

舊識先生隱者流偶因圖畫想滄洲斷雲滿路碧空晚明月何  
年青嶂秋世故風塵雙短屐生涯天地一孤舟何由白石空磯  
畔招得人間萬戶侯

送白無咎太守之郡

瀟灑中書舊省郎排雲曾攬舜衣裳一麾况復守名郡萬事不  
如歸故鄉馬首漸遠燕闕雨鴈聲欲度晉城霜漢廷擇相皆良  
吏蚤奉潘輿謁建章

宗陽宮望月分韻得聲字

楊仲弘

老君臺上涼如水坐看冰輪轉二更大地山河微有影九天風  
露寂無聲蛟龍並起承金榜鸞鳳雙飛載玉笙不信弱流三萬  
里此身今夕到蓬瀛

遣興

庭樹號蟬日已涼塞雲橫鴈夜何長挾書萬里干明主仗劍三  
年別故鄉西北諸山連朔漠東南衆水隔荆楊淹留不去慚蘇



子莫遺貂裘賦雪霜

憶昨

揭曼碩

天曆年中祕閣開授經新拜育群材宮門待漏常先到講席收  
書每後回召試時蒙天語勞分題不待侍臣催滿頭白雪丹心  
在太液池邊只獨來

二

宮草葱茸禁樹齊日趨延顙對凝暉朝迎步輦花間立暮送回  
鸞柳下歸碧殿東臨瓊島近金河北引玉泉肥幾回弘慶門前  
路春氣濛濛欲濕衣

夢武昌

黃鶴樓前鸚鵡洲夢中渾似昔時遊蒼山斜入三湘路落日平  
鋪七澤流鼓角沉雄遙動地帆檣高下亂維舟故人雖在多分  
散獨向南湖看白鷗

元日和裴都事朝回

李子權

海上瓊樓接五城人間歌吹近蓬瀛雲移豹尾旌旗動日射螭  
頭劍佩明拜舞盡隨仙仗入退歸還認玉珂鳴欣欣百草含春  
意得傍東君暖處生

過杭州鳳凰山

陳剛中

浮屠百尺聳亭亭日落鴉啼野蔓青故國盡消龍虎氣荒山空  
帶鳳凰形金根輦路迎禪駕玉樹歌臺語梵鈴惟有錢塘江上  
月年年隨鴈過寒汀

粵王臺懷古

薩天錫

粵王故國四圍山雲氣猶屯虎豹關銅獸暗隨秋露泣海鴉多  
背夕陽還一時人物風塵外千古英雄草莽間日暮鷓鴣啼更  
急荒臺野竹兩班班

上尊號日聽詔寄供奉

辨禮小卷三

三



丹鳳啣書出內廷羽林環衛擁霓旌千官拜舞開仙仗四海謳  
歌荷聖情香霧細添宮柳碧日華遙射錦袍明侍臣亦有文園  
病卧聽龍墀鼓吹聲

宿崇仁峽

傅與礪

扁舟夜宿魚龍窟久客長懷虎豹關歲暮思家成白髮天涯持  
酒看青山張騫浪喜蒲萄入馬援終嫌蕙以還天子只今勞遣  
使將軍何日遂平蠻

駕發

天門曉啓黃金鎖路馬遙翻碧玉蹄銀燭荧荧花外出翠鞋冉  
冉柳邊迷千官劍佩屯雲合五衛旌旗擁日齊後夜龍沙駐清  
蹕侍臣不寢聽晨鷄

題丁文苑同年哀詞後

黃晉卿

自別瓊林雨露邊江湖目斷繡衣前禹門尚想龍初化遼海驚  
聞鶴已仙烈日秋霜空耿耿重山宿草正芊芊不才後死知何  
用坐對諸郎獨泫然

憶友人

無復高談慰索居壯心零落竟何如人間漫有金臺夢身後誰  
傳玉枕書半畝蒼苔埋壁地一聲白雪斷絃初芙蓉峰下聞吹  
笛淚滴春天草木疎

題遠碧樓

張仲舉

江上樓居景自清闌干朝暮倚陰晴數峰殘雨雲間濕一水斜  
陽鳥外鳴樹隔釣歌分浦出風移帆影近窓行綵衣白髮宜春  
酒更喜田園樂趣成

舟發淞江夜泊廟山驛

風帆東上浪冥冥鐘鼓山前近驛亭江海秋生河漢白魚龍夜  
沒水雲青誰從三島求仙藥自信孤楂伴客星好喚吳兒叩舳



起浩歌呼酒月中聽

梅花

洪武高季迪

瓊姿只合在瑤臺誰向江南處處栽  
雪滿山中高士卧月明林下美人來  
寒依疎影蕭蕭竹春掩殘香漠漠苔  
自去何郎無好韻東風愁寂幾回開

縞袂相逢半是仙平生水竹有深緣  
將疎尚密微經雨似暗還明遠在烟薄  
暝山家松樹下嫩寒江店杏花前  
秦人若解當時種不引漁郎入洞天

翠羽驚飛別樹頭冷香狼籍倩誰收  
騎驢客醉風吹帽放鶴人歸雪滿舟  
澹月微雲皆自夢空山流水獨成愁  
幾看孤影低回處只道花神夜出遊

淡淡霜華濕粉痕誰施綃帳護香溫  
詩隨十里尋春路愁在三更桂月村飛去  
只憂雲作伴銷來肯信玉爲魂一尊欲訪羅浮

客落葉空山正掩門

雲霧爲屏雪作宮塵埃無路可能通  
春風未動枝先覺夜月初來樹欲空  
翠袖佳人依竹下白衣宰相住山中  
寂寥此地君休怨回首名園盡棘叢

夢斷揚州閣掩塵幽期猶自屬詩人  
立殘孤影長過夜看到餘芳不是春  
雲暖空山栽玉徧月寒深浦泣珠頻  
掀篷圖裏當時見錯愛橫斜未真

獨開無那只依依肯爲愁多減玉輝  
簾外鐘來初月上燈前角斷忽霜飛  
行人水驛春全早啼鳥山牆晚半稀  
愧我素衣今已化相逢遠自洛陽歸

最愛寒多取得陽仙遊長在白雲鄉  
春愁寂寞天應老夜色朦朧月亦香  
楚客不吟江路寂吳王已醉苑臺荒  
枝頭誰見花驚處嫋嫋微風軟軟霜



斷魂只有月明知無限春愁在一枝不共人言唯獨笑忽疑君  
到正相思歌殘別院燒燈夜粧罷深宮覽鏡時舊夢已隨流水  
遠山窓聊復伴題詩

駕幸鍾山應制

詹同文

大駕春晴臨寶地鍾山老翠擁金仙瑤花如雨三千界紫氣成  
龍五百年風送香烟浮

袞服池涵樹影拂青天詞臣侍從何多幸安得詩才似湧泉

康郎山應制

夏允中

三軍戰罷日重輪好雨東來爲洗塵絕壁秋聲清漱玉白沙月  
色爛堆銀氣成龍虎知王者兆應熊羆得老臣半夜內官催草  
檄燭花影裏繡衣新

采石

楊克明

騎鯨仙人海上歸至今草木猶清暉千山落日送樵笛萬里長  
風吹客衣春空蛾眉浮翠黛夜光犀渚沉珠璣神遊故國應過  
此高冢臨流知是非

春遊

吳圭一

湖上輕帆吹柳絲湖邊細雨濕花枝百年總有三萬日一日都  
來十二時杜老每尋林氏宅山翁偏愛習家池乘閑取醉真吾  
事度水看花也自奇

山中蘭麝香滿林故人清遊能遠尋燕來已覺社日近寒退始  
知春意深山光入眼凝遠翠華影到湖生夕陰慈雲只尺不一  
去薄暮還家空復吟

金山寺

劉宗弼

孤峰宛若巨鰲簷橫絕中流翠色深勢與波濤相上下影隨魚  
鳥共浮沉椒門風起雲翻墨瓜步潮回月湧金擬汲中漈觀瘞  
鶴維舟三日阻登臨



湖中翫月

張士行

銀河千頃照神州此夕人間別是秋地與樓臺相上下天隨星斗共沉浮一塵不向空中住萬象都於物外求醉吸清華遊碧落更於何處覓瀛洲

七月三十日祖母初度時年八十九 楊孟載

白髮青瞳壽者身每逢佳節話咸淳百年未盡四千日來歲還周九十春遷客無家空望拜孤臣有表更誰陳今朝風雨茆茨底應對兒孫說遠人

排律

五言

三月曲水宴

唐王子安

彭澤官初去河陽賦始傳田園歸舊國詩酒間長筵列室窺丹洞分樓瞰紫烟縈回巨津渡出沒控郊鄆鳳琴調上客龍轡巖巖群仙松石偏宜且上藤蘿不記年重簷交密樹複磴擁危泉抗石瞻南嶺乘沙渺北川傳巖來築處磻溪入釣前日斜真與遠幽楚思涼蟬

西使兼孟學士南游

盧照隣

地道巴陵北天山弱水東相看萬餘里共倚一征篷零雨悲王粲清尊別孔融裴回聞夜鶴悵望待秋鴻骨肉胡秦外風塵關塞中唯餘劔鋒在耿耿氣成虹

靈隱寺

駱賓王

鷲嶺鬱岧峣龍宮鎖寂寥樓觀滄海日門對浙江潮桂子月中落天香雲外飄攔蘿登塔遠刻木取泉遙霜薄花更發水輕葉互凋待入天台路看余度石橋

同韋舍人早朝

沈雲卿

闐闐連雲起巖扉拂霧開玉珂龍影度珠履鴈行來長樂宵鐘



盡明光曉奏催一經傳舊德五字擢英材儼若神仙去紛從霄漢回千春奉休歷分禁喜趨陪

春日歸山寄孟浩然

李太白

未紱遺塵境青山謁梵筵金繩開覺路寶筏度迷川嶺樹攢飛拱岳花覆谷泉塔形標海月樓勢出江烟香氣三天下鐘磬萬壑連荷秋珠已滿松密蓋初圓鳥聚疑聞法龍參若護禪愧非流水韻叨入伯牙絃

行次昭陵

杜子美

舊俗疲庸主群雄問獨夫識歸龍鳳質威定虎狼都天屬尊堯典神功協禹謨風雲隨絕足日月繼高衢文物多師古朝廷半老儒直詞寧戮辱賢路不崎嶇往者災猶降蒼生喘未蘇指揮安率土湯滌撫洪鑪壯士悲陵邑幽人拜鼎湖玉衣晨自舉鐵牛常趨松栢瞻虛殿塵沙立暝途寂寞開國日流恨滿山隅

奉贈韋左丞丈二十二韻

統袴不餓死儒冠多誤身丈人試靜聽賤子請具陳甫昔少年日早充觀國賓讀書破萬卷下筆如有神賦料揚雄敵詩看子建親李邕求識面王翰願卜鄰自謂頗挺出立登要路津致君堯舜上再使風俗淳此意竟蕭條行譌非隱淪騎驢三十載旅食京華春朝扣富兒門暮隨肥馬塵殘盃與冷炙到處替悲辛主上頃見徵欬然欲求伸青冥却垂翅蹭蹬無縱鱗甚愧丈人厚甚知丈人真每於百僚上猥誦佳句新竊效貢公喜難甘原憲貧焉能心怏怏祇是走踈踈今欲東入海即將西去秦尚憐終南山回首清渭濱常擬報一飯况懷辭大臣白鷗沒浩蕩萬里誰能馴

重經昭陵

草昧英雄起謳歌曆數歸風塵三尺劔社稷一戎衣翼亮貞文



德丕承戢武威聖圖天廣大宗祀日光輝陵寢盤空曲能羆守  
翠微再窺松栢路還見五雲飛

投贈哥舒開府翰二十韻

今代麒麟閣何人第一功君王自神武駕馭必英雄開府當朝  
傑論兵邁古風先鋒百勝在略地兩隅空青海無傳箭天山早  
挂弓廉頗仍走敵魏絳已和戎每惜河湟棄新兼節制通智謀  
垂睿想出入冠諸公日月低秦樹乾坤繞漢宮胡人愁逐北宛  
馬又從東受命邊沙遠歸來御席同軒墀曾寵鶴畋獵舊非熊  
茅土加名數山河誓始終策行遺戰伐契合動昭融勳業青冥  
上交親氣槩中未爲珠履客已見白頭翁壯節初題柱生涯獨  
轉篷幾年春草歇今日暮途窮軍事留孫楚行間識呂蒙防身  
一長劔將欲倚崆峒

上韋左相

鳳曆軒轅紀龍飛四十春八荒開壽域一氣轉洪鈞霖雨思賢  
佐丹青憶老臣應圖求駿馬驚代得麒麟沙汰江河濁調和鼎  
鼐新韋賢初相漢范叔已歸秦盛業今如此傳經固絕倫豫樟  
深出地滄海潤無津北斗司喉舌東方領縉紳持衡留藻鑿聽  
履上星辰獨步才超古餘波德照鄰聰明過管輅尺牘倒陳遵  
豈是池中物由來席上珍廟堂知至理風俗盡還淳才傑俱登  
用愚蒙但隱淪長卿多病久子夏索居貧回首驅流俗生涯似  
衆人巫咸不可問鄒魯莫容身感激時將晚蒼茫興有神爲公  
歌此曲涕淚在衣巾

寄李十二白

昔年有狂客號爾謫仙人筆落驚風雨詩成泣鬼神聲名從此  
大涓沒一朝伸文彩承殊渥流傳必絕倫龍舟移棹晚獸錦奪  
袍新白日來深殿青雲滿後塵乞歸優詔許遇我宿心親未負



幽棲志兼全寵辱身劇談憐野逸嗜酒見天真醉舞梁園夜行  
歌泗水春才高心不展道屈善無鄰處士禰衡俊諸生原憲貧  
稻粱求未足惹以謗何頻五嶺炎蒸地三危放逐臣幾年遭鵬  
鳥獨泣向麒麟蘇武先還漢黃公豈事秦楚筵辭醴日梁獄上  
書展已用當時法誰將此義陳老吟秋月下病起暮江濱莫恠  
恩波隔乘槎與問津

奉和上巳禊飲應制

王摩詰

長樂青門外宜春小苑東樓開萬戶上輦過百花中畫鷁移仙  
妓金貂列上公清歌邀落日妙舞向春風渭水明秦甸黃山入  
漢宮君王來後禊灞滻亦朝宗

送秘書晁監歸日本

積水不可極安知滄海東九州何處遠萬里若乘空向國惟看  
日歸途但信風鰲身映天黑魚眼射波紅鄉樹扶桑外主人孤  
島中別離方異域音信若爲通

杜中丞書院新移小竹

王仲初

此地本無竹遠從山寺移經年求養法隔日記澆時嫩綠卷新  
葉殘黃依故枝色經寒不動聲與靜相宜愛護出常數稀稠當  
自知貧家綠未有客散獨行遲

和席八十二韻

韓退之

絳闕銀河曙東風右掖春官隨名共美花與思俱新綺陌朝遊  
間綾袞夜直頻橫門開日月高閣切星辰庭變寒前草天銷霽  
後塵溝聲通苑急柳色壓城勻綸綍謀猷盛丹青步武親芳菲  
含芥藻光景暢形神傍砌看紅藥巡池詠白蘋多情懷酒伴餘  
事作詩人倚玉難藏拙吹竽久混真坐慙空自老江海未還身

和崔舍人詠月

三秋端正月今夜出東溟對日猶分勢騰天漸吐靈未高烝遠



氣半上霽孤形赫奕當躔次虛徐度杳冥長河晴散霧列宿曙  
分螢浩蕩英華溢瀟疎物象冷池邊臨倒照簷際送橫經花樹  
參差見臯禽斷續聆牖光窺寂寞砧影伴娉停幽坐看侵戶閑  
吟愛滿庭輝斜通壁練彩碎射沙星清潔雲間路空涼水上亭  
淨看分顧兔細得數飄萍山翠相凝綠林煙共羃青過隅驚桂  
側當午覺輪停屬思摘霞錦追歡罄縹緙郡樓何處望龍笛此  
時聽右掖連台座重門限禁扃風臺觀滉漾冰砌步青熒獨有  
虞庠客無由拾落糞

春雪問早梅

梅將雪共春彩艷不相因逐吹能爭密排枝巧妬新誰令香滿  
座獨使淨無塵芳意饒呈瑞寒光助照人玲瓏開已徧點綴坐  
來頻那是俱疑似須知兩逼真焚煌初亂眼浩蕩忽迷神未許  
瓊花比從將玉樹親先期迎戲歲更伴占茲辰願得長輝映輕  
微敢自珍

春雪

看雪乘清旦無人坐獨謔拂花輕尚起落地暖初銷已訝陵歌  
扇還來伴舞腰灑篁留密節着柳送長條入鏡鸞窺沼行天馬  
度橋徧堦憐可掬滿樹戲成瑤江浪迎濤日風毛縱獵朝弄閑  
時細轉爭急忽驚飄城險疑懸布砧寒未擣綃莫愁陰景促夜  
色自相饒

韶州裴長史寄道州呂八大使二十韻見及因拾其  
餘韻酬焉凡韶州所用者置不取其聲律言數如之

柳子厚

金馬嘗齊入銅魚亦共頒疑山看積翠澗水想澄灣標榜同驚  
俗清明兩照姦乘輶參孔僅按節服侯獮賈傅辭寧切虞童髮  
未巖秉心方的騰口任嘖嘖聖理高懸象爰書降罰緩德風



流海外和氣滿人寰禦魅恩猶貸思賢淚自潛在亡均寂寞零  
落間惇鯨夙志隨憂盡殘肌觸瘴瘳月光搖淺瀨風韻碎枯管  
海俗衣猶卉山夷髻不鬟泥沙潛虺蜮榛莽鬪豺獍循省誠知  
懼安排祇自癩食貧甘芥鹵被褐謝爛熳遠物裁青芻時珍饌  
白鷗長捐楚客珮未賜大夫環異政徒云仰高蹤不可攀空勞  
慰顛顛妍唱劇妖嬈

群玉殿賜宴

宋歐陽永叔

至治臻無事豐年樂有成圖書開祕府宴飲集群英論道皇墳  
奧貽謨寶訓明九重夕暇豫八體極研精筆力千鈞勁毫端萬  
象生飛殘金灑落拜賜玉鏘鳴盛際崇儒學愚臣濫寵榮惟能  
同舞獸聞樂識和聲

春雪用韓昌黎韻同彭應之作

朱梅庵

既有陽春曲那無白雪謠連天飛不斷著地煖還銷未掩高人

戶難齊衲子腰稍開銀世界漸長玉枝條興盡愁煙艇行迷認  
野橋酒腸渾欲凍吟筆爲誰搖殘臘成三白餘閑又一朝香隨  
梅蕊落輕伴柳花飄神女羞捐佩鮫人敢獻綃東皇應好事避  
舍亦相饒

孝宗挽歌詩有序

阜陵發引詔近臣進挽歌辭恭惟盛德大業不易  
形容方將攄竭鄙思以效萬一真搜逋日纔得四  
語忽被閔勞之詔遂不敢成章以進杜門累年每  
竊私恨戊午春大病瀕死默念平生仰孤恩遇無  
路補報感激涕泗不能自己謹因舊篇續成十有  
六韻略叙本末以見孤臣亡狀死不忘君之意云  
精一傳心妙文明撫運昌軋坤歸獨御日月要重光不值亡胡  
歲何由復漢疆遽移丹極仗更上白雲鄉九有哀同切孤臣淚



特滂詎因逢舜日曾得廁周行但憶彤墀引類趨黼座旁袞華  
叨假寵縞素識通喪似有塩梅契還嗟貝錦傷戴盆驚委照增  
秩待行香拜疏攄丹悃衡程發皂囊神心應斗轉巽令亟風揚  
未答隆儒厚俄聞脫屣忙此生知未已沒世恨空長內難開新  
主端歸立右廂因山方慘澹去國又愴惶疾病今如許形骸可  
自量報恩寧復日忍死續殘章

義門鄭氏麟溪集

元吳伯尚

故國衣冠地名家孝義門同居能九葉積學又諸孫時薦嚴宗  
祐晨叅列第昆周旋俱典則辭氣總清温白髮千金壽華筵九  
醞罇承顏惟豈第服禮自朝昏里閭尊儒素閨門戒婦言進趨  
真有序雜杳更無喧藉甚群公譽倚歟薄俗敦鄰飢分粟布客  
至餽牢殮冉冉山陰棹原原谷口轅張琴春滿坐洗筆月臨軒  
置驛遺風久傳經古意存五倫嗟教弛百忍與誰論世已書連

屋秋仍稻滿村山莊友麋鹿扮社宴鷄豚褒奏歸廷議桓楹表  
國恩自多承雨露已足賁丘園私淑垂規範貽謀著本原後人  
方食報逸翮藹孤騫仙籍通青瑣官曹近紫垣五雲來嶽鳳六  
月起滇鯤從此公侯復終期福祉蕃高名千載事竹帛照乾坤

正月十一日朝回即事

虞伯生

宮樹春陰合霓旌拂曙來天光臨閣道雲氣轉蓬萊晝漏沉沉  
鼓晨尊艷艷杯香霏簾底霧樂殷殿前雷祥瑞儀曹奏珍淳尚  
食催舞庭分鷺序效獻過龍媒融雪微生草輕風不動埃老人  
南極至王母上方回玉色何多喜金華得重陪裁詩賀新雨西  
閣待門開

夏水

洪武高季迪

寒收凝凍井晚薦納涼宮抱潔存天質銷炎奪化工氣蒸金盃  
潤色映玉盤空弱藻含猶在織塵隔未通非山寧可倚是水復



當融照夜何須月驚秋詎待風製屏應不隱作珮定難攻客貌  
清誰並仙肌瑩目同宜涵筠篔簹素愁逼桂爐紅願解行人喝分  
貽道路中

奉題王會圖

王子充

自昔興王盛要荒敢後期梯航重九譯冠帶極群夷執贄稱周  
貢來庭表漢儀紛然方物備各爾土風宜豔麗文揮霍珊瑚競  
陸離象牙來赤土犀角出黃支畢獻俱珍異咸懷係撫綏同文  
斯有象至治實維時紀事歸博史圖形屬畫師睢盱真髣髴絡  
繹互參差不藉良工筆誰窮異域姿千年觀盛際允矣在今茲

七言

清明

唐杜子美

朝來新火起新煙湖色春光淨客船繡羽衝花他自得紅顏騎  
竹我無緣胡童結束還難有楚女腰肢亦可憐不見定王城舊  
處長懷賈傅井依然虛靈浩氣舉為寒食實藉君平賣卜錢鐘鼎

山林各天性濁醪麤飯任吾年

又

此身飄泊苦西東右臂偏枯半耳聾寂寂繫舟雙下淚悠悠伏  
枕左書空十年蹴踘將雛遠萬里鞦韆習俗同旅鴈上雲歸紫  
塞家人鑽火用青楓秦城樓閣煙花裏漢主山河錦繡中風水  
春來洞庭濶白蘋愁殺白頭翁

送裴相公上太原

王仲初

還攜堂印向并州將相兼權是武侯時難獨當天事功成却  
進手中籌再三陳乞鑪煙裏前後分張玉案頭朱架早朝排立  
戟綠槐殘雨看張油遙知鴈塞從今好直到漁陽以北愁邊鋪  
恐巡旂盡換山城欲過館重修千群白刃兵迎節十對紅妝妓  
打毬聖主分明教暫去不須高起見京樓



送鞠希仁赴邵陽縣丞兼寄楊秀才 元傳與礪

巴陵一別鴈來頻京國相逢燕賀新  
桂殿日浮金榜曙杏園雲散玉壺春  
董生對策真能事轅固談詩耻後塵  
悄悄聞鷄持別袂蕭蕭跋馬送征輪  
荆衡地闊通南極幽薊天回倚北辰  
湖草欲青應進舫縣花初日可懷人  
長卿實畏貧歸蜀季子徒聞早入秦  
為報楊雄休識字少年直恐鬢成銀

送王知縣上計朝京

洪武謝原功

封章上計直居最奉命朝天在及期  
金闕九重環象魏王春一統發華夷  
班聯簪笏揚休日樂聽簫韶錫宴時  
既向楓宸沾聖澤好歸花縣慰民思  
殷勤農父耕田勸揖遜鄉人飲酒儀  
寡婦可煩孟嘗訴孝娥仍誅度公辭  
淳風百里真堪復善政三年屬有為  
莫道外官非近侍鍾山咫尺五雲飛

文章辨體卷之三

文章辨體卷之四

海虞後學吳訥編集

外集

絕句

五言

夜送趙縱

唐楊炯

趙氏連城壁由來天下傳送君還舊府  
明月滿前川

普安建陰題壁

王子安

江漢深無極梁岷不可攀山川雲霧裏  
遊子幾時還

臨江

汎汎東流水飛飛北上塵歸驂將別棹  
俱是倦遊人

贈李十四

亂竹開三徑飛花滿四隣從來揚子宅  
別有尚玄人

翫初月

駱賓王



忌滿光恒缺乘昏影暫流自能明似鏡何用曲如鈎

在軍登城樓

城上風威冷江中水氣寒戎衣何日定歌舞入長安

途中寒食

宋延清

馬上逢寒食途中屬暮春可憐江浦望不見洛橋人

別杜審言

卧病人事絕嗟君萬里行河橋不相送江樹遠含情

雜詩

王摩詰

家住孟津河門對孟津口常有江南船寄書家中否

君自故鄉來應知故鄉事來日綺窓前寒梅著花未

別輞川別業

王夏卿

山月曉仍在林風涼不絕殷勤如有情惆悵令人別

長安道

儲光羲

西行一千里暝色生寒樹暗聞歌吹聲知是長安路

春曉

孟浩然

春眠不覺曉處處聞啼鳥夜來風雨聲花落知多少

古意

崔國輔

淨掃黃金階飛霜厚如雪下簾彈箏篋不忍見秋月

見渭水思秦川

岑參

渭水東流去何時到雍州憑添兩行淚寄向故園流

絕句

杜子美

日出籬東水雲生舍北泥竹高鳴翡翠沙僻舞鷓鴣

鶯鶯花蘂亂飛飛蜂蝶多幽棲身懶動客至欲如何

繫并交機葉開渠斷竹根扁舟輕棹纜小逕曲通村

急雨捎溪足斜暉轉樹腰隔巢黃鳥並翻藻白魚跳

舍下筍穿壁庭中藤刺簷地晴絲冉冉江白草纖纖



江動月移石溪虛雲傍花鳥樓知故道帆過宿誰家  
遲日江山麗春風花草香泥融飛燕子沙暖睡鴛鴦  
江碧鳥逾白山青花欲燃今春看又過何日是歸年

武侯廟

遺廟丹青落空山草木長猶聞辭後主不復卧南陽

八陣圖

功蓋三分國名成八陣圖江流石不轉遺恨失吞吳

對雪獻從兄虞城宰

李太白

昨夜梁園裏第寒兄不知庭前看玉樹腸斷憶連枝

答友人贈烏紗帽

領得烏紗帽全勝白接籬山人不照鏡稚子道相宜

長信宮

劉方平

夢裏君王近宮中河漢高秋風能再熱團扇不辭勞

送王司直

皇甫孝常

西塞雲山遠東風道路長人心勝潮水相送過溇陽

逢雪宿芙蓉山

劉文房

日暮蒼山遠天寒白屋貧柴門聞犬吠風雪夜歸人

秋夜寄丘二十二員外

韋應物

懷君屬秋夜散步詠涼天山空松子落幽人應未眠

同褒子秋齋獨宿

山月皎如燭霜風時動竹夜半鳥驚栖窓間人獨宿

贈別司空曙

盧允言

有月曾同賞無秋不共悲如何與君別又是菊花時

秋夜

耿漳

高秋夜分後遠客鴈來時寂寂重門掩無人問所思

江行無題

錢仲文



斗轉月未落舟行夜已深有村知不遠風便數聲砧

詵花與衛象同醉

司空文明

衰鬢千莖雪他鄉一樹花今朝與君醉忘却在長沙

送人下第

李端

獻策未得意馳車東出秦暮年千里客落日萬家春

登樓

暢當

迴臨飛鳥上高出世人間天勢圍平野河流入斷山

贈李唐山人

戴幼公

此意靜無事閑門風景遲柳條將白髮相對共垂絲

惜春

李君虞

畏老身全老逢春解惜春今年看花伴已少去年人

夏日作

武伯蒼

夜久喧聲息池臺惟月明無因駐清景日出事還生

江雪

柳子厚

千山鳥飛絕萬徑人蹤滅孤舟蓑笠翁獨釣寒江雪

新嫁娘

王仲初

三日入厨下洗手作羹湯未諳姑食性先遣小姑嘗

秋風

劉夢得

何處秋風至蕭蕭送鴈群朝來入高樹孤客最先聞

松江夜泊

宋鮑當

舟閑人已息林際月微明一片清江水中涵萬古情

江上漁者

范仲淹

江上往來人但愛鱸魚美君看一葉舟出沒風波裏

遠山

歐陽永叔

山色無遠近看山終日行峰巒隨處改行客不知名

夏夜小亭有懷

梅聖俞



西南雨氣濃林上昏月色寒影不隨人寥寥空露白

遺老齋

蘇子由

久無叩門聲啄啄問何故田中有人至昨夜盈尺雨

蠶婦

張俞

昨日到城郭歸來淚滿巾遍身綺羅者不是養蠶人

和劉德明以夏雲多奇峯為韻

朱晦菴

出山幾何時歸來便長夏端居心不怡散策長林下

為客厭城市還家辭世紛朝昏何所見但有四山雲

閉門事幽討歲月忽已多客來無可問與君共絃歌

炎蒸不可柰雲氣滿前峰向夕風吹盡微聞遠寺鐘

干時本已懶曾次况二奇若問林中趣婆娑祇自知

春日

元劉夢吉

游絲困無力欲起重悠揚芳草落花滿相思春晝長

石鼎聯句圖

玩世如一鳥姓名誰得聞仙翁應自笑知我有鄒訢

采薇圖

盧處道

服藥求長年孰與孤竹子一食西山薇萬古猶不死

題江州庾樓

賀復孫

宿鳥歸未盡浮雲薄暮開淮山青數點不肯過江來

病中

薩天錫

病形如瘦鶴照影向清池自有冲霄志游魚莫見疑

古意

傅與礪

人言道路遠直傍天涯去頭上忽見天近於江南路

牽牛一水隔織女經年會咫尺闕相聞何況千山外

烟波亭

洪武吳朝錫

漢水連天濶江雲護曉寒青青山一點最好倚闌看



題江岫圖

熊伯穎

雪渚水初生寒雲落鴈聲片帆天共遠南望總關情

紅梅

牛士良

隴頭人未來江南春幾許惆悵玉簫聲吹落胭脂雨

秋夜

吳友雲

中秋不見月相思情未絕倦對讀書燈風來自吹滅

寒光滿天上明月在水中照我雙塘蓮葉生秋風

丁未初至南京登鳳凰臺

謝原功

城上青山合江中錦浪開紛紛六朝事獨倚鳳凰臺

歎墻下草

高季建

青青墻下草經霜未枯槁雖是見春遲還免逢秋早

赴京道中逢還鄉友

我去君却歸相逢立途次欲寄故鄉言先詢上京事

聞鴈

楊孟載

天寒霜月苦人遠秋衣綻獨坐聽長更燈前一聲鴈

六言

田園樂

唐王摩詰

采菱渡頭風急策杖村西日斜杏樹壇邊漁父桃花源裏人家

萋萋春草秋綠落落長松夏寒牛羊自歸村巷童稚不識衣冠

山下孤烟遠村天邊獨樹高原一瓢顏回陋巷五柳先生對門

桃紅復含宿雨柳綠更帶朝烟花落家僮未掃鳥啼山客猶眠

酌酒會臨泉水抱琴好倚長松南園露葵朝拆西舍黃梁夜春

送鄭二之茅山

皇甫茂政

水流絕澗終日草長深山暮春吠犬鳴鷄幾處條桑種杏何人

奉寄皇甫冉

張懿孫

京口情人別久揚州估客來踈潮至潯陽回去相思何處通書



尋張逸人山居

劉文房

危石纔通鳥道空山更有人家桃源定在深處澗水浮來落花

歸山

顧連翁

心事數莖白髮生涯一片青山空山有雪相待古道無人獨還

題舒州山谷寺石牛洞

宋王介甫

水泠泠而北出山靡靡以旁圍欲窮源而不得竟悵望以空歸

獨坐

文與可

不報門前賓客已收案上文書獨坐水邊林下宛如故里閑居

登山望海

張文潛

鳥去蒼烟古木人歸綠野孤舟信美雖非吾土消憂且復登樓

鉛山立春

朱晦菴

雪擁山腰洞口春回楚尾吳頭欲問闌天何處明朝嶺水南流

題孤山放鶴圖

元趙子昂

西湖清且漣漪扁舟時蕩晴暉處處青山獨往翩翩白鶴迎歸

昔年曾到孤山蒼藤古木高寒想見先生風致圖書留與人看

題江山烟雨圖

虞伯生

千村春水方生萬里歸帆如羽不知誰在層樓卧看江南烟雨

題轟空山扇

洪武高季迪

客來山雨鳴澗客去山翁醉眠花外春雲靄靄竹邊秋月娟娟

楊氏山莊

洪武高季迪

斜陽流水幾里啼鳥空林一家客去詩題柿葉僧來共煮藤花

暮雨潮生瓜步春山樹繞蕪城惆悵離舟欲發江南烟寺鐘聲

七言

回鄉偶書

唐賀季真



少小離鄉老大回鄉音無改髮老衰兒童相見不相識笑問客  
從何處來

聞王昌齡左遷龍標

李太白

楊花落盡子規啼聞道龍標過五溪我寄愁心與明月隨風直  
到夜郎西

絕句

杜子美

兩箇黃鸝鳴翠柳一行白鷺上青天窗含西嶺千秋雪門泊東  
吳萬里船

投簡梓州幕府兼簡韋十郎官

幕府郎官安穩無從來不奉一行書不知貧病關何事能使韋  
郎跡也踈

江南逢李龜年

岐王宅裏尋常見崔九堂前幾度聞正是江南好風景落花時  
節又逢君

春夜洛城聞笛

誰家玉笛暗飛聲散入東風滿洛城此夜客中聞折柳何人不  
起故園情

寄江上段十六

王摩詰

與君相見即相親聞道君家在孟津為見行船試借問客中時  
有洛陽人

九日憶山東兄弟

獨在異鄉為異客每逢佳節倍思親遙知兄弟登高處偏插茱  
萸少一人

送李侍郎赴常州

賈幼隣

雪晴雲散北風寒楚水吳山道路難今日送君須盡醉明朝相  
憶路漫漫



送李浦之京

王少伯

故園今在灞陵西江畔逢君醉不迷  
小第鄰莊尚漁獵一封書寄數行啼

除夜

高達夫

旅館寒燈獨不眠客心何事轉悽然  
故鄉今夜思千里秋鬢明朝又一年

逢入京使

岑參

故園東望路漫漫雙袖龍鐘淚不乾  
馬上相逢無紙筆憑君傳語報平安

春夢

洞房昨夜春風起遙憶美人湘江水  
枕上片時春夢中行盡江南數千里

題張山人壁

張正言

世人結交須黃金黃金不多交不深  
縱令然諾暫相許終是悠悠行路心

送魏十六還蘇州

皇甫茂政

秋夜沉沉此送君陰蟲切切不堪聞  
孤舟明日毗陵道回首姑蘇是白雲

楓橋夜泊

張懿孫

月落烏啼霜滿天江楓漁火對愁眠  
姑蘇城外寒山寺夜半鐘聲到客船

送裴郎中貶吉州

劉文房

猿啼客散滿江頭人自傷心水自流  
同作逐臣君更遠青山萬里一孤舟

滁州西澗

韋應物

獨憐幽草澗邊生上有黃鸝深處鳴  
春潮帶雨晚來急野渡無人



人舟自橫

九日

今朝把酒復惆悵憶在杜陵田舍時明年此日知何處世難還家未有期

村南逢病叟

盧允言

雙膝過頤頂在肩四鄰知姓不知年卧駘烏雀惜禾黍猶恐諸孫無社錢

送齊山人

韓君平

舊事仙人白兔公棹頭歸去又乘風柴門流水依然在一路寒山萬木中

歸鴈

錢仲文

瀟湘何事等閑回水碧沙明兩岸苔二十五絃彈夜月不勝清怨却飛來

聽鄰家吹笙

郎君胃

鳳吹聲如隔采霞不知墻外是誰家重門深鎖無尋處疑有碧桃千樹花

江村即事

司空文明

罷釣歸來不繫船江村月落正堪眠縱然一夜風吹去只在蘆花淺水邊

湘南即事

戴幼公

盧橘花開楓葉衰出門何處望京師沅湘日夜東流去不為愁人住少時

對月答元明府

山下孤城月上遲相留一醉本無期明年此夕遊何處縱有清光知對誰

旅次寄湖南張郎中

戎昱



寒江近石慢流聲  
燭影當窓亂月明  
歸夢不知湖水闊  
夜來還到洛陽城

山中

顧逋翁

野人自愛山中宿  
况是葛洪丹井西  
庭前有箇長松樹  
夜半子規來上啼

和練師索秀才楊柳

楊景山

水邊楊柳綠烟絲  
立馬煩君折一枝  
惟有東風最相惜  
殷勤更向手中吹

柳州二月榕葉盡落偶題

柳子厚

宦情羈思共悽悽  
春半如秋意轉迷  
山城過雨百花盡  
榕葉滿庭鴛鴦亂啼

夏晝偶作

南州海暑醉如酒  
隱几熟眠開北牖  
日午獨覺無餘聲  
山童隔竹敲茶臼

伏翼西洞送人

陳羽

洞裏春晴花正開  
看花出洞幾時回  
殷勤好去武陵客  
莫引世人相逐來

焚書坑

竇胄卿

竹帛烟消帝業虛  
關河空鎖祖龍居  
坑灰未冷山東亂  
劉項元來不讀書

訪隱者不遇

竇友封

籬外涓涓澗水流  
槿花半照夕陽收  
欲題名字知相訪  
又恐芭蕉不耐秋

宮中詞

王仲初

金吾除夜進難名  
畫袴朱衣四隊行  
院院燒燈如白日  
沉香火底坐吹笙



樹頭樹底見殘紅一片西飛一片東自是柳花貪結子錯教人恨五更風  
金殿當頭紫閣重仙人掌上玉芙蓉太平天子朝元日五色雲車駕六龍

綺繡宮

玉樓傾側粉墻空重疊青山繞故宮武帝去來紅袖盡野花香蝶領春風

秋思

張文昌

洛陽城裏見秋風欲作家書意萬重復恐忽忽說不盡行人臨發又開封

感春

遠客悠悠任病身誰家池上又逢春明年各自東西去此地看花是別人

烏衣巷

朱雀橋邊野草花烏衣巷口夕陽斜舊時王謝堂前鸞飛入尋常百姓家

石頭城

山圍故國周遭在潮打空城寂寞回淮水東邊舊時月夜深還過女墻來

聽舊宮人穆氏歌

曾隨織女渡天河記得雲間第一歌休唱貞元供奉曲當時朝士已無多

登樂遊原

杜牧之

長空澹澹孤鳥沒萬古銷沉向此中看取漢家何似業五陵無樹起秋風

漢江



溶溶漾漾白鷗飛  
綠淨春深好染衣  
南去北來人自老  
夕陽長送釣船歸

赤壁

折戟沉沙鐵未銷  
自將磨洗認前朝  
東風不與周郎便  
銅雀春深鎖二喬

宮怨

監宮引出鬢開門  
隨列雖朝不是恩  
銀鑰却收金鎖合  
月明花落又黃昏

送隱者

無媒徑路草蕭蕭  
自古雲林遠市朝  
公道世間惟白髮  
貴人頭上不曾饒

宮詞

李義山

君恩如水向東流  
得寵憂移失寵愁  
莫向尊前奏花落  
涼風只在殿西頭

江南春

千里鶯啼綠映紅  
水村山郭酒旗風  
南朝四百八十寺  
多少樓臺烟雨中

懷吳中馮秀才

長洲苑外草蕭蕭  
却算遊程歲月遙  
唯有別時今不忘  
暮烟秋雨過楓橋

華清宮

杜常

行盡江南數十程  
曉風殘月入華清  
朝元閣上西風急  
都入長楊作雨聲

送元史君自楚移越

劉子夏

露冕行春向若耶  
野人懷惠欲移家  
東風二月淮陰郡  
惟見棠梨一樹花



題鶴林寺

李涉

終日昏昏醉夢間，忽聞春盡強登山。  
因過竹院逢僧話，又得浮生半日閑。

過南鄰花園

雍國鈞

莫怪頻過有酒家，多情長是惜年華。  
春風堪賞還堪恨，纔見開花又落花。

宿嘉陵驛

離思茫茫正值秋，每因風景却生愁。  
今宵難作刀州夢，月色江聲共一樓。

寄襄陽章孝孫

青油幕下白雲邊，日日空山夜夜泉。  
聞說小齋多野意，枳花陰裏麝香眠。

秋思

許用晦

琪樹西風枕簟秋，楚雲湘水憶同遊。  
高歌一曲掩明鏡，昨日少年今白頭。

曲江春望

唐彥謙

杏艷桃嬌奪晚霞，樂遊無廟有年華。  
漢朝冠蓋皆陵墓，十里官春下苑花。

丹陽送韋參軍

嚴正文

丹陽郭裏送行舟，一別心知兩地秋。  
日晚江南望江北，寒鴉飛盡水悠悠。

旅懷

杜荀鶴

月華星彩坐來收，嶽色江聲暗結愁。  
半夜燈前十年事，一時和雨到心頭。

南莊春晚

李文山

草暖沙長望去舟，微茫烟浪向巴丘。  
沅湘寂寂春歸盡，水綠蘋



香人自愁

十日菊

鄒守愚

節去蜂愁蝶不知曉庭還繞折殘枝自綠今日人心別未必秋  
香一夜衰

寄維揚故人

張喬

離別河邊縮柳條千山萬水玉人遙月明記得相尋處城鎖東  
風十五橋

宿杭州虛白堂

李鄴

秋月斜明虛白堂寒蛩唧唧樹蒼蒼江風徹曉不得寐二十五  
聲秋點長

晴景

王大用

雨前初見花間藥雨後全無葉底花蛺蝶飛來過墻去却疑春  
色在鄰家

重贈商玲瓏兼寄樂天

元微之

休遣玲瓏唱我辭我辭多是寄君詩明朝又向江頭別月落潮  
平是去時

經汾陽舊宅

趙承祐

門前不改舊山河破虜曾輕馬伏波今日獨經歌舞地古槐疎  
冷夕陽多

老圃堂

薛大拙

邵平瓜地接吾廬穀雨乾時偶自鋤昨日春風欺不在就床吹  
落讀殘書

偶興

羅隱

逐隊隨行二十春曲江池畔避車塵如今贏得將衰老閑看人  
間得意人

三月晦日贈劉評事

賈浪仙



三月正當三十日風光別我苦吟身共君今夜不須睡未到曉鐘猶是春

巳亥歲

曹松

澤國江山入戰圖生民何計樂樵蘇憑君莫話封侯事一將功成萬骨枯

賈生

劉言

宣室求賢訪逐臣賈生才調更無倫可憐夜半虛前席不問蒼生問鬼神

春

高蟾

明月斷魂清藹藹平蕪歸路綠迢迢人生莫遣頭如雪縱得春風亦不消

繡嶺宮

李才江

春草萋萋春水綠野棠開盡飄香玉繡嶺宮前鶴髮翁猶唱開翠木陰陰白玉堂長年來此試文章日斜奏罷長楊賦閑拂塵埃看畫墻

題宣州後堂壁

張文潛

過雨山亭暑氣微老人猶未試生衣滿園閑綠無人到盡日南風燕子飛

武夷棹歌

朱晦菴

武夷山上有仙靈山下寒流曲曲清欲識箇中竒絕處擢歌閑聽兩三聲

一曲溪邊上釣船幔亭峰影蘸晴川虹橋一斷無消息萬壑千巖鎖翠烟

二曲亭亭玉女峰插花臨水為誰容道人不復荒臺夢興入前山翠幾重

三曲君看架壑船不知停櫂幾何年桑田海水今如許泡沫風



燈敢自憐

四曲東西兩石巖巖花垂露碧氈毯金鷄叫罷無人見月滿空  
山水滿潭

五曲山高雲氣深長時烟雨暗平林林間有客無人識款乃聲  
中萬古心

六曲蒼屏遶碧灣茅茨終日掩柴關客來倚櫂巖花落猿鳥不  
驚春意閑

七曲移船上碧灘隱屏仙掌更回看人言此處無佳景只有石  
堂空翠寒

八曲風烟勢欲開鼓樓巖下水縈回莫言此處無佳景自是遊  
人不上來

九曲將窮眼豁然桑麻雨露見平川漁郎更覓桃源路徐是人  
間別有天

銅雀瓦

元劉夢吉

諸侯負漢已堪憐直筆何為亦魏編却愛曹瞞臺上瓦至今猶  
屬建安年

日南感懷

陳剛中

老母粵南垂白髮病妻燕北待黃昏蠻烟瘴雨交州客三處相  
思一夢魂

絕句

趙子昂

春寒測測掩重門金鴨香殘火向溫燕子不來花又落一庭風  
雨自黃昏

午枕花前簾欲流日催紅影上簾鈎窺人鳥喚悠揚夢隔水山  
供宛轉愁

庭槐風靜午陰多睡起西窓日影過自笑老來無復夢閑看行  
蟻上南柯



吟人

滕賓

吟人瘦倚曲闌干酒醒香銷午夢殘燕子不來春社去一簾疎  
雨杏花寒

題陶淵明像

鄧善之

詩中甲子春秋筆籬下黃花雨露枝便向斜川頻載酒風光不  
似義熙時

以瓊扇一握奉致黃明府

范德機

拾得炎州月一團殷勤持贈比琅玕情知已是秋風後留作明  
年九夏寒

題鄭子直畫像

楊仲弘

躬耕谷口襍編民寧肯懷金媚賊臣揚子解言如許事不知執  
戟是何人

送上黨長

虞伯生

春雨人參長紫苗縣庭無事坐終朝俯看雲氣千山表野有新  
田市有誑

御溝春日偶成

馬伯庸

御溝流水曉潺潺直似長蛇曲似環流出宮墻纔咫尺便分天  
上與人間

陳平章席上題琵琶亭

龍觀復

老大蛾眉負所天空將遺恨寄哀絃夜深正好看明月却抱琵  
琶過別船

題青山白雲圖

黃晉卿

十年失脚走京塵忘却青山與白雲忽見畫圖疑是夢冷花涼  
華思紛紛

宮詞

薩天錫

清夜宮車出建章紫衣小隊兩三行曲闌干外銀燈過照見芙



葵葉上霜

楊柳樓心月滿床錦屏繡褥夜生香不知門外春多少半醉移燈看海棠

絕句

秦兼善

繡簾鈎月夜生涼花霧陰陰入畫堂吹徹玉簫人未寢更添新火試沉香

金吾列侍擁旌旄五色雲深雉尾高視草詞臣方退食內官傳勅賜蒲萄

南歸偶書

余廷心

帝城南下望江城此去鄉關半月程同向春風折楊柳一般離

別兩般情

二月不歸三月歸已將行篋捲征衣殷勤為報家園樹緩緩開花緩緩飛

雨後吟香

觀剝棗

楊孟載

朱實離離雨更新行人敲剝走荆榛我來不忍臨風食為憶當時種樹人

將赴金陵始出閶門夜泊

高季迪

烏啼霜月夜寥寥回首離城尚未遙正是思家起頭夜遠鐘孤棹宿楓橋

烟月籠沙客未眠歌聲燈火酒家前如何纔出閶門宿已似秦淮夜泊船

漫興

張孟兼

梨花半開夜雨催無奈李花如雪堆門前美人不見來東風楊柳吹干迴

過渭門亂石灘

鄒九思



亂石波心一道開奔衝不得少縈迴篙人盡說舟行險未數瞿塘灩澦堆  
輕棹歸經亂石灘森森劔戟立江干狂瀾百折從天瀉到此方知行路難

聯句詩

聯句

鳴鴈乘風飛去去當何極念彼窮居士如何不歎息淵明雖欲騰九萬扶搖竟何力遠招王子喬雲駕庶可飭惜之顧侶正徘徊離群翔天側霜露豈不切務從忘愛翼循之高柯濯條幹遠眺同天色思絕慶未看徒使生迷惑淵明

夏夜李尚書筵送宇文石首赴縣

唐杜子美

愛客尚書重之官宅相賢甫酒香傾坐側帆影駐江邊之芳宅表郎官瑞鳧看令宰仙或雨稀雲葉斷夜久燭花偏甫數語款紗帽高文擲綵牋之芳興饒行處樂離醉中眠或單父長多暇河陽實少年甫客居逢自出為別幾淒然之芳

城南聯句

韓退之孟東野

竹影金瑣碎郊泉音玉琮瑤瑠璃翦木葉愈翡翠開園英流滑隨又步郊搜尋得深行遙岑出寸碧愈遠目增雙明乾穉紛拄地郊化蟲枯揭莖木腐或垂耳愈草珠競駢睛浮虛有新斲郊摧扞饒孤撐囚飛黏網動愈盜啗接彈驚脫實自開坼郊牽柔誰繞縈禮鼠拱而立愈駭牛躅且鳴蔬甲喜臨社郊田毛樂寬征露螢不自暖愈凍蝶尚思輕宿羽有先曉郊食鱗時半橫菱翻紫角利愈荷折碧圓傾楚膩鱸鮓亂郊獠羞螺蠓并桑蠖見虛指愈愈兕狸聞鬪獍逗翳翅相築郊擺幽尾交榜蔓涎角出縮愈愈樹啄頭敲鏗修箭裏金鉏郊群鮮沸池羹岸殼坼玄兆愈野麩漸豐萌窰烟羃疏島郊沙篆印迴平瘁肌遭蚝刺愈啾耳聞



鷄生奇慮恣迴轉郊遐晷縱逢迎巖林戢遠睫愈縹氣夷空情  
 歸跡歸不得郊捨心捨還爭靈麻撮狗蟲愈村稚啼禽猩紅皺  
 驪檐瓦郊黃團繫門衡得雋蠅虎健愈相殘雀豹趨束枯樵指  
 秃郊刈孰擔肩頰溢旋皮卷齧愈苦開腹彭亨機春潺湲力郊  
 吹簾飄飄精賽饌木盤簇愈鞞妖藤索紉荒學五六卷郊古藏  
 四三筌里儒拳足拜愈土怪閃眸偵蹄道補復破郊絲窠掃還  
 成暮堂蝙蝠沸愈破竈伊威盈追此訊前主郊答云皆冢卿敗  
 壁剝寒月愈折篁嘯遺笙往熏霏霏在郊綦跡微微呈劔石猶  
 竦檻愈獸材尚挈楹寶唾拾未盡郊玉啼墮猶鎗惚綃疑闕豔  
 愈粧燭已銷繁綠髮抽珉甃郊青膚聳瑤楨白蛾飛舞地愈幽  
 蠹落書棚惟惜集嘉詠郊吐芳類鳴嚶窺竒摘海異愈恣韻激  
 天鯨腸胃繞萬象郊精神驅五兵蜀雄李杜拔愈嶽力雷車轟  
 大句幹玄造郊高言軋霄崢芒端轉寒燠愈神助溢杯觥巨細  
 各乘運愈湍圍亦騰聲菱花咀粉藥郊削縷穿珠櫻綺愈洗晴  
 雪愈嬌辭哢雛鸞酣歡雜弁珥郊繁價流金瓊齒齒愈江詞郊  
 萋蕤綴藍瑛庖霜鱸玄鯽愈浙玉炊香粳朝饌已百態郊春醪  
 又千名哀匏蹙駛景愈冽唱凝餘晶解魂不自主郊痺肌坐空  
 瞠扳援賤蹊絕愈炫曜仙選更藜巧競採笑郊駢鮮互深嬰桑  
 變忽蕪蔓愈樟裁浪登丁霞鬪詎能極郊風期誰復賡臯區扶  
 帝壤愈環蘊郁天京祥色被文彥郊良才插杉檉隱伏饒氣象  
 愈興潛示堆坑孽華露神物郊擁終儲地禎訐謨壯締始愈輔  
 斲登階清空秀恣填塞郊呀靈畜淳澄益大聯漢魏愈肇初邁  
 周羸積照涵德鏡郊傳經麗金蠶食家行鼎彝愈龍族飮弓旌  
 非制盡從賜郊殊私得逾程飛橋上架漢愈繚岸俯規瀛瀟碧  
 遠輸委郊湖故費攜擎茵苴從大漠愈楓楮至南荆嘉植鮮危  
 朽郊膏理易滋榮懸長巧紐翠愈象曲善攢躄魚口星浮沒郊



馬毛錦班駢五方亂風土愈百種分鉏耕葩藥相妬出郊菲茸  
共舒情類招臻侗詭愈翼萃伏衿纓危望跨飛動郊冥升躡登  
閔春游轢霍靡愈彩伴颺娉嬪遺燦飄的樂郊淑顏洞精誠嬌  
應如在寤愈頽意若含醒鷓毳翔衣帶郊驚肪截佩璜文昇相  
照灼愈武勝屠攬捨割錦不酬價郊構雲有高管通波牴鱗介  
疏晚富蕭衡買養馴孔翠郊遠苞樹蕉拚鴻頭排刺茨愈鵠鷓  
攢環橙鶯廣雜良牧郊蒙休賴先盟罷旄奉環衛愈守封踐忠  
貞戰服脫明介郊朝冠飄彩絃爵勳逮僮隸愈簪笏自懷繡乳  
下秀嶷嶷郊椒蕃泣惶惶貌鑑清溢匣愈眸光寒發劬館儒養  
經史郊綴戚觴孫甥考鍾饋肴核愈曼鼓侑牢牲飛膳自北下  
郊函珍極東京如瓜煮大郊愈比線茹芳菁海嶽錯口腹郊趙  
燕錫媼姪一笑釋仇恨愈百金交弟兄貨至貊戎市郊呼傳鸚  
鵲令順居無鬼瞰愈柳橫免官評殺候肆凌翦郊籠原市置紘

羽空類雉鷄愈血路迸狐麋折足去蹠踣感鬢怒髮躍犬疾  
翥鳥愈呀鷹甚飢重筭蹄記功賞郊裂腦擒檉振猛斃牛馬樂  
愈妖殘梟鵠憚窟窮尚嗔視郊箭出方驚杆連箱載已實愈礙  
轍棄仍羸喘覷鋒刃點郊困衝株枿盲掃淨豁曠曠愈騁遙略  
莘莘饒杓飽活鬻郊惡嚼嘔腥鯖歲律及郊至愈古音命韶諫  
旗旆流日月郊帳廬扶棟薨磊落莫鴻壁愈參差席香蕙玄祇  
社兆姓郊黑秬饒豐盛慶流蠲瘥癘愈威暢拍幢朝靈燔望高  
問郊龍駕聞鼓颺是惟禮之盛愈永用表其宏德孕厚生植郊  
恩熙完刑剌宅土盡華族愈運田間強阡蔭庾森嶺檜郊啄場  
翩祥鳴畦肥翦韭薤愈陶固收盆甕利養積餘健郊孝思事嚴  
枋掘雲破帶嶼愈採月漉坳泓寺砌上明鏡郊僧盂敲曉缸泥  
像對騁怪愈鐵鐘孤舂鐙癭頸鬧鳩郊蛇垣亂蛛蝻甚黑老  
蠶蠟愈麥黃韻鸚鷓韶曙遲勝賞郊賢朋戒先庚馳門填偏仄



愈競野輾砢碎緇紅滿杏郊稠凝碧浮錫蹠繩觀娥婺愈闕  
草擷璣瑀粉汗澤廣額郊金星墮連瓔鼻偷困淑郁愈眼剽強  
盯蠅是節飽顏色郊茲疆稱都城書饒罄魚繭愈紀盛播琴箏  
奚必事遠覲郊無端逐羈僮將身親翹魅愈浮跡侶鷗鵲腥味  
空奠屈郊天年徒羨彭驚魂見蛇蚓愈觸嗅值蝦蟇幸得履中  
氣郊忝從拂天棖歸私暫休暇愈驅明出庠鬻鮮意竦輕暢郊  
連輝照瓊瑩陶暄逐風乙愈躍視舞晴蜻足勝自多詣郊心貪  
敵無勅始知樂名教愈何用苦拘倅畢景任詩趣郊焉能守磴  
磴愈

闔鷄聯句

同

大鷄昂然來小鷄竦而待愈崢嶸顛盛氣洗刷凝鮮彩郊高行  
若矜豪側睨如同殆愈精光目相射劔戟心獨在郊既取冠爲  
胃復以距爲鏃天時得清寒地利挾爽塏愈磔毛各噤痒怒攫  
爭礮磊俄膺忽爾低植立瞥而改郊膈膊戰聲喧續翻落羽矚  
中休事未決小挫勢益倍愈妬腸務生敵賊性專相醢裂血失  
鳴聲啄殷甚飢餒郊對起何急驚隨旋誠巧給毒手飽李陽神  
槌困朱亥愈惻心我以仁碎首爾何罪獨勝事有然旁驚汗流  
浼郊知雄欣動顏怯負愁看賄爭觀雲填道助叫波翻海愈事  
爪深難解噴睛時未怠一噴一醒然再接再礪乃郊頭垂碎丹  
砂翼榻拖錦綵軒昂尚賈餘清厲比歸凱愈選俊感收毛受恩  
慙始隗英心甘鬪死義肉耻庖宰君看闔鷄篇短韻有可採郊

風琴聯句

謝希深

梅聖俞

宋謝希深

竅竹漏天風張絃擬嶧峒佳名從此得妙響未曾窮希深夜靜  
危臺上人閑皎月中依依聽不足秋露滿蘭叢聖俞

病栢聯句

洪武高季迪

與青城杜寅郟郡徐貴遊白蓮寺見病栢而作



抱貞雖輪困託根何坎坷寅死色見已深生意存獨頗啓老枿  
焦半身餘葉禿偏髻貴恩謝漢陵春災非陸渾火寅柯傾痺待  
扶節漏瘡思累啓下疑封蚍蜉上穴綴螺贏貴風欺聲告哀雨  
冒汗憎顛寅蟄空虺喜容攀脆猿愁墮啓將斷豈中梁欲刳詎  
宜舸貴蓋瘁缺青葱梢枯辭倚攤寅乏子供爐焚無陰庇牀坐  
啓蠹盡啄鳥饑巢傾躓雛跛貴矐形慘若疋突腹腫如果寅藤  
纏偶假粧薜剝每慙裸啓主惜覬匠顧推窺避僧邏貴土瘠力  
易衰岩危勢難安寅殺懼苦霜仍鑿期甘露可啓成器未爲福  
不材反逃禍貴依林尚支撐亞石猶磊砢寅閱歲失真姿承陽  
愧纖朶啓操辜孔語稱名負杜吟播貴敢要秦樹封孰效禹梅  
鎖寅蟠深漫欲踞架重寧堪荷啓氣同生固均數異測誠匪貴  
膏乾然不明屑墜掃還夥寅客伶吊賦悲僮棄培功惰啓終護  
竟煩誰今看幸遭我貴

雜體詩

三五七言懷友

唐李太白

秋風清秋月明落葉聚還散寒鴉棲復驚相思相見知何日此  
時此夜難爲情

首尾吟

宋邵堯夫

堯夫非是愛吟詩詩是精神未耗時水竹清閑都占了鶯花富  
貴又兼之梧桐月向懷中昭楊柳風來面上吹彼有許多閑捧  
擁堯夫非是愛吟詩

集句

王介甫

戲贈湛源

恰有三百青銅錢憑君爲算小行年坐中亦有江南客自斷此  
生休問天

與北山道人



可惜昂藏一丈夫生來不讀半行書子雲識字終投閣幸是元  
無免破除

示蔡天啓

身着青衫騎白馬日馳三百尚嫌遲心源落落堪爲將却是君  
王未備知

送吳顯道

五湖大浪如銀山問君西遊何當還以手撫膺座長歎空手無  
金行路難丈夫意有在吾徒且加餐屏風九疊雲錦長千峯如  
連環上有橫河斷海之浮雲可望不可攀飛空結樓臺動影窈  
窕冲融間沛然乘天遊下看塵世悲人寰泊舟潯陽郭去去翔  
廖廓君今幸未成老翁衰老不復如今樂

星名二十八宿歌贈晁無咎

黃魯直

虎刺文章犀解角食未下亢竒禍作藥材根底催斲蜜蜂奪  
房抱饑渴有心無心材慧死人言不如龜曳尾衛平哆口無南  
箕斗柄指日江使噫狐腋牛衣同一燠高丘無女甘獨宿虛名  
挽人受實禍累基既危安處我室中凝塵散髮坐四壁蠢蠢見  
天下奎蹄曲隈取脂澤婁猪艾豸彼何擇傾腸倒胃得相知貫  
日食昴終不疑古來畢命黃金臺佩君一言等觜觿月沒參橫  
惜相違秋風金井梧桐落故人過半在鬼錄柳枝贈君當馬策  
歲晏星回觀盛德張弓射雉武且力白鷗之翼沒江波抽絃去  
軫君謂何

人名和蕭十六

孔平仲

式微子歎歸期滯踈鐘皓月僧窓睡滿郭丹楓已送秋李白桃  
紅春又至綠楊朱戶鎖娉婷燕趙豈笑誰相視紅顏回眄能溺  
人有若大川無際涘吾曹操行薄雲天去險就平當擇地嚴君  
平昔教諸子肯向贛江爲此事物捐仁義縱歡娛力與主張興



廢墜不才疆使酬杜詩滿管寧能言鄙志

郡名呈呂元均

相人觀久遠要且視資質酒酸本多甘綃敗爲少密公家渭川  
後端亮氣不屈播移雖裔士寧安如舊輩優游歸孔聖坎壈笑  
趙壹儻夾等榮辱所遇順勞佚道閤接談賓文房散書帙當其  
泰定時海宇更無物耳目拜已忘何心斬冕黻忽聞韶曲奏更  
覺巴音失溫純比金玉清越勝琴瑟似追少陵步真得建安骨  
從今益淬厲及此舒長日唱酬安敢同心欽但齋栗

藥名荊州即事

黃曾直

四海無遠志一溪甘遂心牽牛避洗耳卧著桂枝陰前湖後湖  
水初夏半夏涼夜闌鄉夢破一鴈度衡陽垂空青幕六一一排  
風開石友常思我預知子能來幽澗泉石綠閉門聞啄木運柴  
胡奴歸車前挂生鹿雨如覆盆來平地没牛膝回望無夷陵天

南星斗濕

建除重贈徐天隱

建極臨萬邦稽古陛下聖除書日日下有耳家相慶滿意見升  
平父老扶杖聽平生所傳聞似仁祖德性定鼎百世長臺弓四  
夷靜執事當在朝官冷殊未稱破帽風欹欹簡易不騎乘危顛  
相扶持泉石共嘲詠成樂澗中阿傲世似未敬收潦下秋船期  
公拜嘉命開元正觀事身得見全盛閉門長蓬蒿或許老夫病

八音答黃曾直

晁無咎

金蘭况同心莫樂新相知石田罹清霜念此百草腓絲看蕪爾  
吐士聽憤悱語竹馬非妙齡美人恐遲暮匏繫曾東家今君上  
天涯土膏待陽暉氣至如咄嗟葦薄不可郭士迫下流惡木無  
松栢心蝎處螻蟻託

藥名離合

孔平仲



草滿南園綠青青復間紅花開不擇地錦繡逕相通  
漿寒飲一石密液和巖桂心渴望天南星河粲垂地  
參旗挂綵木通夕涼如水銀漢耿半天河橋暝烟紫  
雪片擁頽垣衣裘冷如甲香醪不滿盞藤枕欹殘牖

回紋泊鴈

王介甫

泊鴈鳴深渚收霞落晚川柝隨風歛陣樓映月低絃漠漠汀帆  
轉幽幽岸火然壑危通細路溝曲繞平田

五雜組

孔平仲

五雜組垂裘裳往復來就桀湯不獲已翦夏商  
五雜組花木春往復來江湖人不獲已議和親  
五雜組錦繡段往復來隨陽鴈不獲已猶仕宦  
五雜組朝霞明往復來車馬行不獲已方用兵

了語不了語

蘇子美

公鍊欲成忽覆鼎銀餅汲絕還沉井乳虎咆哮落深窞青萍一  
揮斷人頸 右了語

無言以手尋珮環寒暑迭運凋朱顏八駿踏地幾時徧六龍駕  
日何年閑 右不了語

難易言

擬把鉛刀伐丹桂欲坐智井攀青天排羅嬰兒拒虓虎未若以  
道干貴權 右難  
地上拾芥亦細碎掌裏數文猶苦辛脫使擿丸下峻坡未若以  
財而發身 右易

一字至十字詠竹

文與可

竹竹森寒潔綠湘江濱渭水曲帷幔翠錦戈矛蒼玉心虛異衆  
草節勁踰凡木化龍杖入仙陂呼鳳律鳴神谷月娥巾帔靜蕙  
蕙風女笙竽清菽菽林間飲酒碎影搖罇石上圍碁輕陰覆局







君莫憂○脫袴脫袴桑葉陰陰牆下路回頭忽憶舍中妻去年  
已逐他人去舊袴脫了却  
不辭新袴知教阿誰做○麥熟吟去  
年種麥有德音  
祇今種熟誰快活種者已卧官牆陰仁公有政  
惠存歿肯使催租更墮突

四禽言

元梁棟

不如歸去錦官宮殿迷烟樹天津橋上一兩聲叫破中原無住  
處不如歸去○行不得也哥哥  
哥哥湖南湖北春水多九疑山前叫  
虞舜奈此乾坤無路何行不得也哥哥○脫却布袴貧家能有  
幾尺布閑機織盡無得裁可人不來廉叔度脫却布袴○提壺  
蘆提壺蘆今年酒賤頻頻沾衆人皆醉我亦醉衰哉誰問醒三  
閭提壺蘆提壺蘆

文章辨體卷之四

外集

文章辨體卷之五

外集

海虞後學吳訥編集

近代詞曲

菩薩蠻

唐李太白

平林漠漠烟如織寒山一帶傷心碧暝色入高樓有人樓上愁  
○玉階空佇立宿鳥歸飛急何處是歸程長亭連短亭

錦纏道

春景

宋宋子京

燕子呢喃景色乍長春  
書觀園林萬花如綉海棠經雨胭脂透  
柳展宮眉翠拂行人首○向郊原踏青恣歌携手醉醺醺尚尋  
芳酒問牧童遙指孤村道杏花深處那裏人家有

漁家傲

秋思

范希文

塞下秋來風景異衡陽鴈去無留意四面邊聲連角起千嶂裏  
長烟落日孤城閉○濁酒一杯家萬里燕然未勒歸無計羌管



悠悠霜滿地人不寐將軍白髮征夫淚

浪淘沙 懷舊

歐陽永叔

把酒祝東風且共從容垂楊紫陌洛城東總是當年攜手處遊  
遍芳叢○聚散苦匆匆此恨無窮今年花勝去年紅可惜明年  
花更好知與誰同

桂枝香 金陵懷古

王介甫

登臨送目正故國晚秋天氣初蕭瀟灑澄江似練翠峰如簇征  
帆去棹殘陽裏背西風酒旗斜矗綠舟雲淡星河鷺起圖畫難  
足○念自昔豪華競逐恨門外樓頭悲恨相續千古憑高對此  
謾嗟榮辱六朝舊事隨流水但寒烟衰草凝綠至今商女時時  
尚歌後庭遺曲

水調歌頭 中秋

蘇子瞻

明月幾時有把酒問青天不知天上宮闕今夕是何年我欲乘  
風歸去唯恐瓊樓玉宇高處不勝寒起舞弄清影何似在人間  
○轉朱閣低綺戶照無眠不應有恨何事長向別時圓人有悲  
歡離合月有陰晴圓缺此事古難全但願人長久千里共嬋娟

南鄉子 九日

霜降水痕收殘碧粼粼露遠洲酒力漸消風力軟颼颼破帽多  
情却戀頭○詩酒若為酬但把清樽斷送秋萬事到頭都是夢  
休休明日黃花蝶也愁

念奴嬌 赤壁懷古

大江東去浪淘盡千古風流人物故壘西邊人道是三國周郎  
赤壁亂石穿空驚濤拍岸捲起千堆雪江山如畫一時多少豪  
傑○遙想公瑾當年小喬初嫁了雄姿英發羽扇綸巾談笑間  
檣櫓灰飛烟滅故國神遊多情應笑我早生華髮人生如夢一  
樽還酹江月



蝶戀花 離別

春事闌珊芳草歇客裏風光又過清明節小院黃昏人意別落  
紅處聞啼鴉○咫尺江山分楚越目斷魂銷應是音塵絕夢破  
五更心欲折角聲吹落梅花月

滿庭芳 自嘆

蝸角虛名蠅頭微利算來著甚干忙事皆前定誰弱又誰強且  
趁閑身未老儘教我些子踈狂百年裏渾教是醉三萬六千場  
○思量能幾許憂愁風雨一半相妨又何須抵死說短論長幸  
對清風皎月苔茵展雲幙高張江南好千鐘美酒一曲滿庭芳

水調歌頭 春行

黃山谷

瑾草一何碧春入武陵溪溪上桃花無數花上有黃鸝我欲穿  
花尋路直入白雲深處浩氣展虹蜺祗恐花深裏紅露濕人衣  
○坐白石歌玉枕拂金徽謫仙何處無人伴我白螺盃我為靈

芝仙草不為朱唇丹臉長嘯亦何為醉舞下山去明月逐人歸

瑞鶴仙 醉翁亭

環滁皆山也望蔚然深秀琅邪山也山行六七里有翼然泉上  
醉翁亭也翁之意也得之心寓之酒也更野芳佳水風高石出  
景無窮也○游也山肴野簌酒冽泉香沸觥籌也太守醉也誼  
譁衆賓歡也况宴之樂非絲非竹太守樂其樂也問當時太守  
謂誰醉翁是也

西江月 勸酒

斷送一生唯有破除萬事無過遠山橫黛蹙秋波不飲傍人笑  
我○花病等閑瘦弱春愁沒處遮欄杯行到手莫留殘不道月  
斜人散

踏莎行 賞春

臨水天桃倚牆繁李長楊風掉青驄尾坐中有酒可酬春更尋



何處無愁地○明日重來落花如綺芭蕉漸著山公啓欲賤心  
事寄天公教人長壽花前醉

西江月 警世

朱希真

世事短如春夢人情薄似秋雲不須計較苦勞心萬事元來有  
命○幸遇三杯酒美况逢一朵花新片時歡笑且相親明日陰  
晴未定

孤鸞 早梅

天然標格是小萼堆紅芳姿凝白淡矜新粧淺點壽陽宮額東  
君想留厚意倩年年與傳消息昨夜前村雪裏有一枝先折○  
念故人何處水雲隔縱驛使相逢難寄春色試問丹青是怎生  
描得曉來一番雨過更那堪數聲羌笛歸去和羹未晚勸行人  
休摘

青玉案 雪

碧空黯淡同雲繞漸枕一風聲峭明透紗牕天欲曉珠簾纔轉  
美人驚報一夜青山老○使君命客金樽倒正千里瓊瑤未經  
掃歌壓江梅春信早十分農事滿城和氣管取來年好

滿江紅 隱逸

幽居

呂居仁

東里先生家何在山陰溪曲對一川平野數椽茅屋昨夜岡頭  
新雨過門前流水清如玉抱小橋回合柳參天搖新綠○踈籬  
下叢叢菊虛簷外蕭蕭竹嘆古今得失是非榮辱須信人生歸  
去好世間萬事何時足問此青春醞酒何如今朝熟

蝶戀花 警世

秦少游

鍾送黃昏鷄報曉昏曉相催世事何時了萬苦千愁人自老春  
來依舊生芳草○忙處人多閑處少閑處光陰幾箇人知道獨  
上小樓雲杳杳天涯一點青山小

玉燭新 梅

周美成



溪源新臘後見數朶江梅剪裁初就暈酥破玉芳英嫩故把春  
心輕漏前村昨夜想弄月黃昏時候孤岸峭踈影橫斜濃香暗  
沾襟袖○尊前賦與多才問嶺外風光故人知否壽陽謾闌終  
不似照水一枝清瘦風嬌雨秀好亂插繁花落首須信羌管無  
情看看又奏

點絳脣

汪彥章

新月娟娟夜寒江靜山嶠斗起來搔首梅影橫窗瘦○好箇霜  
天閑却傳杯手君知否亂鴉啼後歸興濃如酒

念奴嬌

洞庭

張于朔

洞庭青草近中秋更無一點風色玉界瑤田三萬頃著我扁舟  
一葉素月分暉銀河共影表裏俱澄澈油然心會妙處難與君  
說○應念嶺海經年孤光自照肝肺皆冰雪短髮蕭騷襟袖冷  
穩泛滄浪空濶盡挹西江細傾北斗萬象爲賓客扣舷一笑不  
知今夕何夕

蝶戀花

元日立春

辛幼安

誰向椒盤簪綵勝整整韶華爭上春風鬢往日不堪重記省爲  
花長抱新春恨○春未來時先借問脫恨開遲早又飄零近今  
歲花期消息定只愁風雨無憑準

沁園春

退閑

三徑初成鶴怨猿驚稼軒未來甚雲山自許平生意氣衣冠人  
笑抵死塵埃意倦須還身閑要早豈爲尊羹鱸膾哉秋江上看  
驚茲鴈避駭浪船回○東岡更葺茅齋好都把軒窓臨水開要  
小舟行釣先應種柳疎籬護竹莫礙觀梅秋菊堪餐春蘭可佩  
留待先生手自栽沉吟久怕君恩未許此意徘徊

水調歌頭

九日

韓無咎

今日我重九莫負菊花開試尋高處携手躡屐上崔嵬放目蒼



崖萬仞雲護曉霜成陣知我與君來古寺倚修竹飛檻絕纖埃  
○笑談間風滿座酒盈杯仙人跨海休問隨處是蓬萊落日平  
原西望鼓角秋深悲壯戲馬但荒臺細把茱萸看一醉且徘徊

天仙子

木閣

沈會宗

景物因人成勝槩滿目更無塵可碍等閑簾幙小闌干衣未解  
心先快明月清風如有待○誰信門前車馬隘別是人間閑世  
界坐中無物不清涼山一帶水一派流水白雲長自在

次袁機仲韻水調歌頭

朱晦菴

長記與君別丹鳳九重城歸來故里愁思悵望渺難平今夕不  
知何夕得共寒潭烟艇一笑俯空明有酒徑須醉無事莫關情  
○尋梅去疎竹外一枝橫與君吟弄風月端不負平生何處車  
塵不到有箇江天如許爭肯換浮名只恐買山隱却要鍊丹成

用傅安道和朱希真梅詞韻

臨風一笑問群芳誰是真香純白獨立無朋等只有姑射山頭  
仙客絕艷誰憐真心自保邈與塵緣隔天然殊勝不關風露冰  
雪○應笑俗李龕桃無言翻引得狂蜂輕蝶爭似黃昏閑弄影  
清淺一溪霜月畫角吹殘瑤臺夢斷直下成休歇綠陰青子莫  
教容易披折

隲括杜牧之齊山詩作水調歌頭

江水浸雲影鴻鴈欲南飛携壺結客何處空翠眇烟霜塵世難  
逢一笑况有紫萸黃菊堪插滿頭歸風景今朝是身世昔人非  
○酬佳節須酩酊莫相違人生如寄何事辛苦怨斜暉無盡今  
來古往多少春花秋月那更有危機與問牛山客何必獨沾衣

沁園春題睢陽雙廟

文宋瑞

爲子死孝爲臣死忠死又何妨自光嶽氣分士無全節君臣義  
缺誰負剛腸罵賊睢陽愛君許遠留得聲名萬古香後來者無



二公之操百鍊之剛○人生翕歛云亡好烈烈轟轟做一場使  
當時賣國甘心降虜受人唾罵安得流芳古廟幽沉遺容儼雅  
枯木寒鴉幾夕陽郵亭下有奸雄過此子細思量

無俗念

元稹伯生

十年恣下見古今成敗幾多豪傑誰會誰能誰不濟故紙數行  
明滅亂葉西風遊絲春夢轉轉無休歇爲他憔悴不知有甚干  
涉○寥寥無住閑身盡虛空界一片中宵月雲去雲來無定相  
月亦本無圓缺非色非空非心非佛教我如何說不妨跬步蟾  
蜍飛上銀闕

附錄

渭城曲

唐王摩詰

渭城一曰陽關王維之所作也本送人使安西詩  
彼遂被於歌

渭城朝雨浥輕塵客舍青青柳色新勸君更盡一杯酒西出陽  
關無故人

竹枝

劉夢得

竹枝本出於巴渝唐貞元中劉禹錫在沅湘以俚  
歌鄙陋乃依騷人九歌作竹枝新辭教里中兒歌  
之由是盛於貞元元和之間

白帝城頭春草生白鹽山下蜀江清南人上來歌一曲北人莫  
上動鄉情

日出三竿春霧消江頭蜀客駐蘭橈憑寄在夫書一紙住在成  
都萬里橋

瞿塘嘈嘈十二灘此中道路古來難長恨人心不如水等閑平  
地起波瀾

楊柳青青江水平聞君江上唱歌聲東邊日出西邊雨道是無



晴還有晴

楊柳

白樂天

楊柳枝白居易洛中所製也

一樹春風萬萬枝嫩如金色軟於絲永豐西角荒園裏盡日無人屬阿誰

六么水調家家唱白雪梅花處處吹古歌舊曲君休聽聽取新翻楊柳枝

陶令門前四五樹亞夫管裏百千條何似東都正二月黃金枝映洛陽橋

葉含濃露如啼眼枝嫋輕風似舞腰小樹不禁攀折苦乞君留取兩三條

文章辨體卷之五 終

外集



